

**Castigo 26
luna prizon pa
bendedor di
droga y haya
cu arma di
candela**

**Liliana Rasmijn PR di Cuerpo Policial:
Corda cu dia 24 di Mei ta ultimo
dia pa entrega arma y of municion,
sin consecuencia**

ORANJESTAD (AAN) Señora Liliana Rasmijn, Vocero di Cuerpo Policial Aruba (KPA), kier a corda tur esnan concerni, cu dia 24 di Mei ta ultimo dia pa entrega arma y/of municion, sin consecuencia.

Rasmijn a señala cu esaki ta algo interinsular, na unda College di Korps Chef a dicidi pa hacie simultaneamente, den mesun temporada.



Parlamentario Dangui Oduber:

Sindicatonan ta pidi Parlamento pa pone un STOP na e Rijkswet HOFA

Na Riohacha, La Guajira, Colombia

**Conmemoracion di 200 año di relacion
diplomatico entre Reino Hulandes y Colombia**



ORANJESTAD (AAN): “Mma Pe’ipaasü” ta un expresion na Wayuunaiki, lenga nativo di e pueblo indigena Wayuu di La Guajira, Colombia, cu ta nifica “E tera cu ta uni nos”. Esey ta locual a predomina durante e dianan 2 y 4 di mei ultimo pa conmemora 200 año di relacion diplomatico entre Reino Hulandes y Colombia, cu a uni henter un reino y un pais na La Guajira su ciudad capital Riohacha, unda e relacion historico aki a nace. Tabata un acontecimiento diplomatico di gran balor y di trascendencia grandi cu ta busca consolida e relacion aki teniendo na cuenta e rol historico di La Guajira.

**Minister Dowers a extende e
oportunidad pa solicita como
Aspirante Coreccional di KIA**

ORANJESTAD (AAN): Dialuna mainta, durante un conferencia di prensa, Minister di Husticia, Integracion, Transporte Publico y Energia, Arthur Dowers, a anuncia oficialmente cu a tuma decision pa extende e periodo pa por entrega solicitud como Aspirante Coreccional di KIA.

Den e ultimo simannan, Ministerio di Husticia a haci un campaña amplio via aviso den prensa y media social pa motiva hobennan y otro interesadonan pa forma parti di e proceso di reclutamento.



Ta na casi tur scol di MAVO tin critica fuerte riba e Examen di Wiskunde di dos siman pasa

Durante encuentro cu Gobierno di Aruba na Den Haag

Minister di Relacionnan Exterior Tom Berendsen ta comparti vision di Aruba pa posiciona su mes strategicamente den region



ORANJESTAD (AAN): Gobierno di Aruba a reuni dialuna atardi na Den Haag cu e Minister di Relacionnan Exterior, Tom Berendsen. E encuentro tabatin como enfoca riba cooperacion den Reino, desaroyo strategico y e situacion geopolitico den region. Durante e reunion, Prome Minister di Aruba, Mike Eman, a expresa su gradicimento p'e envolvimento y solidaridad cu Reino Hulandes a mustra durante e reciente tension den region cerca di Venezuela.

Den e reunion, e delegacionnan a papia ampliamente tocante e desaroyonan den region y e importancia di sigui monitor e situacion den Venezuela, teniendo cuenta e impacto directo cu e tin riba Aruba y e otro paisnan y isla nan den Reino. Gobierno di Hulanda a confirma cu tin contacto continuo cu representantenan diplomatico den Caracas y cu Reino ta sigui observa e situacion cuidadosamente pa proteha e interesnan comparti di Reino Hulandes.

Prome Minister Mike Eman a enfatisa cu durante e periodo di tension, Aruba a sinti claramente e apoyo di Reino. El a indica cu e momentonan aki a demonstra den practica e valor y importancia di e relacionnan constitucional



den Reino, specialmente den area di relacionnan exterior y siguridad. Segun e Prome Minister, e cooperacion durante e crisis a confirma cu Reino ta comparti responsabilidad pa estabilidad y siguridad den region.

Ademas, durante e encuentro tambe a trata diferente oportunidad strategico pa Aruba. Entre otro, a discuti e MoU's (Memorandum of Understanding) cu recientemente firma cu e partnernan internacional manera KLM, Schiphol y Wageningen University & Research (WUR). E iniciativanan aki ta enfoca riba desaroyo economico, fortalece e conexion internacional y cooperacion den area di sostenibilidad, conocimiento y innovacion. Tambe a intercambia pensamiento tocante e proyecto di EU preclearance cu por representa un paso importante den fortalece e posicion strategico di Aruba como hub internacional den region Car-



ibe. Minister Tom Berendsen a expresa su interes pa bishita Aruba den futuro cercano. El a destaca cu e relacion cu e paisnan y islanan den Reino ta importante y cu ta existi gran interes den sigui fortalece cooperacion mutuo.

Gobierno di Aruba ta mira cu satisfaccion e creciente interes y envolvimento for di Hulanda den e potencial strategico di Aruba y den e vision comparti pa duna Reino un significado nobo y relevante pa futuro. Segun Prome Minister Mike

Eman, e cooperacionnan y aliananan cu ta construi actualmente ta muestra cu Reino por evolucionar no solamente como un relacion historico, sino tambe como un plataforma moderno di colaboracion, innovacion y beneficio mutuo.

Nicolle a gana e jackpot di Mini Mega di Diamars siman pasa



ORANJESTAD (AAN): Nicolle a bira e ganadora di e jackpot di Mini Mega cu a hunga riba Diamars 12 di Mei 2026. E anochi ey e numbernan cu a sali tabata 15, 19, 25, 27 cu Megaball 03.

Esey ta exactamente e numbernan poni riba e Free-Ticket di Nicolle. Sinembargo como cu e Free-Ticket tin balor di solamente 5 Florin, e ora envez di 1.425.000 Florin, el a gana djis e premio di Minimega cu ta 525.000 Florin.

Riba Dialuna el a presenta na oficina di Lotto pa reclama su premio. Ora cu e funcionaria a scan e ticket, esaki a confirma cu Nicolle mes ta e ganadora. Asina a sigui cu e proceso pa transferi e premio electronicamente pa su cuenta di banco. E ticket ganador mes a wordo imprimi na Lucky Cher-Ann 3 na Shiribana.

Banco Central di Aruba a mantene e reserva obligatorio pa banconan comercial na 12,5% ya desde 1 di Maart 2026

ORANJESTAD (AAN): Banco Central di Aruba (BCA) a dicidi durante e reunion di MPC di 27 di februari 2026 pa mantene e tasa di reserva obligatorio pa banconan comercial na 12,5% entrante 1 di maart 2026.

Puntonan principal: Esaki ta e puntonan principal di e decision:

(1) Reservanan adecua apesar di crecimiento den credito. Te cu 23 di januari 2026, reservanan

a sobrepasa substancialmente e normanan cu BCA ta mantene. Ademá, BCA ta anticipa cu e reservanan di divisa lo keda suficientemente adecuada.

(2) Un inflacion abou: Na december 2025, e inflacion midi na final di luna contra e mesun luna di e aña anterior a permanece na un nivel relativamente abou di 0,4%. Riba un promedio anual e inflacion a alcansa



0,1%.

(3) Incertidumbre mundial economico: E in-

certidumbre mundial na e momentonan aki, incluso e tensionnan geopolitico

cu ta escala, por impacta e reservanan di divisa y inflacion, cu por causa desviacionnan for di e proyeccionnan actual cu ta fungi como e punto di salida ("baseline").

BCA ta monitor indicadornan monetario y economico di cerca y lo ahusta su posicion di maneho monetario ora ta necesario pa mantene e tasa fiho di e Florin na e dollar Mericano.

Liliana Rasmijn PR di Cuerpo Policial:

Corda cu dia 24 di Mei ta ultimo dia pa entrega arma y of municion, sin consecuencia



ORANJESTAD (AAN) Señora Liliana Rasmijn, Vocero di Cuerpo Policial Aruba (KPA), kier a corda tur esnan concerni, cu dia 24 di Mei ta ultimo dia pa entrega arma y/of municion, sin consecuencia.

Rasmijn a señala cu esaki ta algo interinsular, na unda College di Korps Chef a dicidi pa hacie simultaneamente, den mesun temporada.

El a comenta cu Curacao a hacie prome, despues a

bin Sint Maarten, a sigui Bonaire, y Aruba a rek un tiki mas, pasobra nos pais a cuminsa net un siman despues.

Esaki ta algo cu ta concerni na cada Korps Chef di e islanan, na unda nan a dicidi conhuntamente cu nan ta bay haci algo, unda envez di un pais so ta target, ta target completamente.

"Cada un a uza nan diferente experticia, nan diferente manera pa campaña, pa purba di pro-

move pa haya mas arma ilegal pa wordo poni den baki. Na Aruba nos tin e baki 2-baki blauw. Nos a cuminsa na San Nicolas prome, na unda nos a haci despues esun di Playa na Wilhelminastraat limpi, y door di esey a prolonga e temporada aki pa duna chens tambe na esnan cu ta pabao di brug" Liliana Rasmijn, PR di KPA a splica.

El a agrega cu te cu awe ta tres arma, diferente municion, pero dia 24 di Mei ta ultimo fecha cu tin pa bo entrega e arma, deposit'e den e baki blauw, e ta anonimo.

"Corda bon, ora e arma ta yega na nos, e ta bay wordo destrui. E no ta bay wordo investiga ni nada. Kiermen, djis trece", Liliana Rasmijn a indica.

El a agrega cu Polis ta haya tips cu ta drenta na unda nan ta yega na e personanan cu tin e arma di candela ilegal, anto eynan si no ta aplica cu bo no ta haya castigo. "Eynan bo ta wak cu nos tin cinco persona cu a wordo sentencia caba, a



bay via e señal recht, cu ta algo cu Aruba tin, cu den menos di un siman e persona ta bay dilanti Huez, y Huez ta dicta di biaha", Vocero Policial a remarca.



Awo cu 2 florin mas, bo por gana e **MEGA PLUS**
***Afl. 350.000,-**
***Afl. 250.000,- + Afl. 100.000,- extra**



HUNGA AWO



Benta ta sera 7:30 pm y sorteo ta hunga 7:45 pm

Cantidad di reaccion hasta na Hulanda

Ta na casi tur scol di MAVO tin critica fuerte riba e Examen di Wiskunde di dos siman pasa

ORANJESTAD (AAN): Ya caba DIARIO a publica recien e prome reaccion di hopi alumno cu ta atende MAVO na Aruba, y cu a topa cu un examen central di Wiskunde cu a wordo prepara na forma central na Hulanda.

Tabata Diabierna 8 di Mei 2026 cu alumnonan di MAVO-4 na Aruba a participa den nan Examen Centraal di Wiskunde, cu a cuminsa 7:30 am y a dura 150 minuut, pues a finaliza pa 10:00 am. Mesun dia alumnonan di VMBO na Hulanda tambe a haci e mesun examen aki di Wiskunde.

Na final, alumnonan di MAVO na Aruba a keha mesor! Pa nan, e examen a cuminsa bon, pero na final el a bira realmente mas dificil. Hasta ora di yega na e ultimo pregunta, e alumnonan a pensa: "Ta kico mi mester haci aki awor?"

Aña pasa tambe tabatin preguntanan di e tipo aki, y den e caso aya, tabata un opdracht encuan to un garoshi di Supermarket. Awor na 2026, e ultimo preguntanan tabata hinca

asina den otro. Pero mesora na Aruba a tende cu pa hopi alumno, e final di e examen tabata hopi complica pa alumnonan. Y for di diferente scol di MAVO na Aruba a tende e kehonan aki.

Reclamo Hulandes: Pero pa sorpresa, na Hulanda e alumnonan cu a haci e mesun examen aki di Wiskunde, a core bay reclama. Riba Diabierna 8 di Mei mes, nan a ricibi riba di 5.000 reclamo di con complica e examen di Wiskunde ta den 2026, y a muestra cu e examen tabata hopi dificil. Hasta reclamo a drenta na Hulanda, di docentenan di Wiskunde!

Na Aruba, ta hopi alumno cu durante henter aña a sa di haci nan S.E. cu exito pa Wiskunde, y cu nan ta considera nan mes basta bon den e vak... a bin topa cu e examen complica aki cu a laga nan basta desanima.

Algun a bisa cu na comienzo e examen no tabata hopi dificil, pero el a stroba e alumnonan di mantene nan concentracion. Algun a cansa bastante, pasobra nan mester a pensa hopi

y esey a tuma basta tempo. Algun pregunta tabata hopi confuso, principalmente pa e nombernan complica cu nan tabata uza. Por ehemplo, na un pregunta encuan to telescoop, mester a haci calculo cu diferente spiel, pero e telescoopnan aki tabatin nombernan dificil, loke a haci mas complica aun pa nan compronde bon e pregunta. E pregunta encuan to hexagon ('zeshoek') pa hopi tabata esun mas dificil, pasobra nan mester a calcula cual tabata un banda, pero hopi no por a compronde ta kico nan ta referi na dje aki. Algun a haya un opdracht cu carchinan cora y blauw pa un cas di carta tabata hopi facil y por a ser resolti rapidamente.

Dificil pa Docente: Algun docente a haya preguntanan 1 te cu 15 tabata facil, pero pregunta 10 tabata hopi dificil, y a nota cu hopi alumno no a ni yena contesta pa pregunta 16 ni 17. Tin alumno a bisa cu nan a hasta haya un 'black-out' spontaneo cu preguntanan 4, 5, y 6 y esaki a stroba nan pa resto di examen, specialmente



e ultimo preguntanan cu a hasta pone alumnonan bira detective pa soluciona loke bo tin di bay haci calculo di dje, y hopi no por a mira e nucleo di e pregunta mes.

Awor ta warda pa mira con esnan cu a crea e examennan central aki na Hulanda, esta e Colegio CvTE (College voor Toetsen en Examens) cu ta encarga pa controla e conteni-

do y calidad di e examen, y Stichting CITO cu ta desaroya e examen y ta conseha encuan to e normering, pa check con nan lo adapta e 'normering' pa duna puntuacion pa e examen. Tur alumno lo haya mal punto, y lo tin di bay tuma her-examen pa Wiskunde? Of e normering lo baha pa asina toch duna alumnonan un punto positivo pa nan examen.

Diahuebs awor Tridium ta cuminsa na Pro Cathedral San Francisco



ORANJESTAD (AAN): Diahuebs awor lo cuminsa cu Tridium na Spirito Santo, y pesey Pas-toor Stanislaw ta extende un invitacion na tur fiel pa acudi. E lo bay ta riba Diahuebs 21 di Mei, Diabierna 22 di Mei, y Diasabra 23 di Mei 2026. Tridium lo cuminsa pa 6:00 pm.

E celebracion mes lo bay ta Diadomingo 24 di Mei 2026 na Misa Pro Cathedral San Francisco.



**TRABOU DI MANTENCION DURANTE
SIMAN DI 11 PA 15 DI MEI 2026**
Interupcion di Coriente Planea

En conexion cu trabounan necesario pa mantene un suministro di coriente confiabel, e suministro di coriente lo wordo interumpi:

**Diahuebs, 21 di mei 2026
8:30 AM te cu 3:30 PM**

Overhead Services

Den vecindario di:

- Seroe Janchi
- Montaña (un parti)
- Boegoeroei
- Sabana Liber (un parti)
- Matadera (un parti)
- Paraguana (un parti)

Bishita www.elmar.aw pa mira e lista di adresnan afecta.

Danki pa e comprension.



ILUMA-i, e innovacion di IQOS, ta posiciona como un alternativa di menos riesgo pa humadonan adulto

IQOS ta sigui lidera e categoria di sigaria sin huma na nivel mundial danki na su enfoke riba alternativanan basa riba ciencia y tecnologia. IQOS ta reduci un promedio di 95% di e substancianan toxico cu ta den huma di sigaria convencional.

IQOS, un marca reconocida mundialmente pa su innovacion constante y pa desaroya tecnologia avanza pa keintamento di tabaco, recientemente a wordo introduci den e mercado di Curaçao e ILUMA-i, su innovacion nobo diseñá pa ofrece un experiencia superior, mas limpi y suave pa humadonan adulto cu ta busca alternativanan cu menos daño cu sigaria tradicional.

Desaroya pa Philip Morris International (PMI) y distribui na Curaçao door di su filial Superior Tobacco Company, IQOS ta un aparato cu ta keinta tabaco en bes di kim'é, ofreciendo un alternativa cu ta expone humadonan adulto cu di tur forma lo sigui huma, na menos daño compara cu sigaria convencional.

Compara cu versionnan anterior di IQOS ILUMA, e ILUMA-i nobo ta introduci funcionnan avansa cu ta optimalisa e experiencia di e usuario:

Modo pauze: ta permiti pa stop e session te 8 minuut y despues continua;
FlexPuff: ta extende e experiencia door di agrega te 4 puff adicional;
Pantaya touchscreen: ta ofrese control completo di e aparato y visualisacion di progreso;
Flex Battery: ta optimalisa e bateria y

prolonga su rendimiento.

E aparatonan nobo ta disponibel den tres version: ILUMA-i PRIME, ILUMA-i i ILUMA-i ONE, tur ta integra cu e tecnologia SMARTCORE INDUCTION SYSTEM™, cu ta keinta tabaco sin kim'é di un forma mas eficiente.

Impulso global y crecimiento na Curaçao IQOS ta sigui lidera e categoria di sigaria sin huma na nivel mundial danki na su enfoke riba ciencia y tecnologia. Na nivel mundial, e marca ta mantene aproximadamente 76% di participacion den e segmento di tabaco keinta

Hustificacion científico
Contrario na sigaria tradicional -cu ta kima tabaco na temperatura halto produci huma, shinishi y holo fuerte- IQOS ta uza un sistema controla pa keinta tabaco real, generando un aerosol sin kima. IQOS ta reduci, un promedio di 95% di e substancianan toxico cu ta den huma di sigaria convencional. IQOS no ta liber di riesgo, pasobra e ta saca nicotina, cu ta adictivo.

Versionnan anterior di e aparato a haya autorisacion di Food and Drug Administration (FDA) di Estados Unidos como un Producto di

Tabaco di Riesgo Modifica, despues cu a demostra cu nan ta reduci significativamente e exposicion na kimico dañino compara cu sigarianan convencional.

Tocante IQOS

IQOS ta un sistema electrónico di keintamento di tabaco desaroya pa Philip Morris International, disponibel den mas di 70 pais y sosten'i pa un inversion considerabel den investigacion científico y tecnológico. E marca ta stimula e cambio pa alternativanan liber di huma como parti di e compromiso mundial di PMI pa un futuro liber di huma.



E ta existi un Parlamento independiente

Eduard Pieters di fraccion di PPA ta boga pa rescata esencia di democracia



ORANJESTAD (AAN): Durante su rueda di prensa semanal, parlamentario Eduard Pieters di fraccion di PPA a lanta un critica extremadamente fuerte riba presidente di Parlamento, Marlon Sneek, despues cu e decision pa schors e reunion parlamentario cu minister Gerlien Croes a crea indignacion den oposicion.

Pa Pieters, loke a pasa dialuna no tabata djis un decision di procedura, sino un muestra peligroso di con Parlamento di Aruba ta perde su independencia y cada biaha ta bira mas un instrumento pa proteha gobierno en bes di controla gobierno.

Pieters a recorda cu presidente di Parlamento tin un responsabilidad constitucional y moral pa eherce su funcion “naar eer y geweten”, manteniendo neutralidad, imparcialidad y respet pa Reglamento di Ordo.

Pero segun Pieters, loke a pasa den sala di Parlamento dialuna, tabata completamente contrario na esey. “Nos a pensa cu presidente finalmente lo para firme pa proteha Parlamento y pone presion riba minister pa contesta e preguntanan legitimamente,” Pieters a declara. “Pero den e momento cu reunion a cuminsa move den un direccion incomodo pa gobierno, presidente a opta pa corta e debate y schors e reunion ‘tot nadere order’.

Pa fraccion di PPA, esaki no tabata un accion neutral, pero un accion politico pa proteha minister contra control parlamentario.

President sumiso: Den un tono particularmente duro, Pieters a acusa presidente Sneek di actua mas como defensor di gobierno en bes di defensor di

Parlamento.

“Unda nos ta bay como pais?” Pieters a cuestiona. “Ki tipo di democracia nos tin ora presidente di Parlamento ta bira actor principal den silencio debate y evita cu ta confronta minister cu e preguntanan serio?”

Segun Pieters, Parlamento tin un rol fundamental den un estado di derecho: controla gobierno, exige transparencia y obliga e ministernan pa responsabilisa nan maneho. Pero si presidente di Parlamento mes ta interveni pa stop e proceso, e sistema democratico mes ta wordo debilita.

“Asina nos democracia ta wordo secuestra pocopoco,” el a declara.

Parlamento a bira stempel di coalicion: Pieters tambe a expresa profundo decepcion cu loke el a experiencia durante su prome seis lunanan como parlamentario. Segun Pieters, coalicion constantemente ta muestra cu nan no ta wak Parlamento como un poder independiente, pero como un mecanismo pa valida

loke gobierno kier.

“Parlamento no por bira un stempel automatico di gabinete,” Pieters a bisa contundentemente.

El a critica cu presidente Sneek no a muestra independencia of “wes’i lomba” pa laga e reunion sigui su curso natural, insinuando cu presion politico externo tabata influyendo e decision pa schors e reunion.

“Ta parce cu ta djis un yamada of mensahe for di gobierno pa Parlamento ta cambia direccion den sala di Parlamento,” Pieters a declara.

Si Parlamento no controla

gobierno, democracia ta na peligro! Pa fraccion di PPA, e incidente aki ta hopi mas cu un conflicto politico temporario. Segun Pieters, e ta un señal alarmante tocante e estado actual di nos institucionnan democratico.

“Parlamento mester ta e lugar, unda gobierno ta rindi cuenta, no un lugar unda gobierno ta wordo proteha,” el a conclui. “Ora presidente di Parlamento ta uza su posicion pa stop debate y evita cuestionamento, e ora nos no ta papia mas di liderazgo neutral, pero di un Parlamento cu ta perde su esencia democratico.”



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 5 juni 2026 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. Een woonhuis plaatselijk bekend als

WAYACA 365

staande op een perceel eigendomsgrond ter grootte van ongeveer zevenhonderd zeven en twintig vierkante meter (± 727 m²), gelegen te Wayaca in Aruba, welk perceel afkomstig is van het moederperceel kadastraal bekend als Eerste Afdeling Sectie T nummer 40, thans bekend met index nummer D4276.

Inzetprijs: Afl. 900.000,00

2. Een perceel eigendomsgrond plaatselijk bekend als

TOTOLICA FAMILY RESIDENCES KAVEL 89

ter grootte van ongeveer tweehonderd drieënveertig vierkante meter (± 243 m²), gelegen te Tanki Flip in Aruba, welk perceel afkomstig is van het moederperceel kadastraal bekend als Eerste Afdeling Sectie K nummer 153, thans bekend met index nummer D10074.

Inzetprijs: Afl. 90.000,00

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 21 mei 2026 ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com

Het biedingsformulier is zowel op het kantoor van Newleaf Notary alsmede op de website www.newleafaruba.com verkrijgbaar.

Iedere bieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Diahuebs tin varios bario na Noord cu ta 7 ora largo sin coriente

ORANJESTAD (AAN): Barionan di Boegoeroei, Montaña, Matadera, Sabana Liber, Sero Janchi y mas lo bay ta 7 ora largo sin coriente riba Diahuebs 21 di Mei 2026 venidero.

Esaki ta relaciona cu trabao di mantenimiento di NV Elmar den e areanan aki, pa asina mantene nan grid di electricidad den forma optimal pa reduci riesgo di fayod den futuro.

Nan ta obliga na corta coriente ora di haci e trabao aki, pa siguridad di nan personal y otronan. Adresnan cu lo wordo afecta for di 8:30 am te cu 3:30 pm, lo bay ta como lo siguiente.

Adresnan na Boegoeroei 34-C, 36-B, 36-E, 36-F, 36-N, 36-O, 36-P, 36-Q, 36-R, 36-S, 36-T, 36-U, 36-V, 36-C, 38-C, 38-D, 40, 42-A, 44, 44-A, 44-B, 44-C, 44-D, 44-G, 44-K, 46, 46-E, 46-F, 48, 48-B, 48-D, 50, 52, 52-B, 52-C, 52-D, 52-I, y 54.

Adres na Montaña 6-B, 18, 18-A, 18-B, 19, 20, 21, 21-A, 22, 22-G, 23, 24, 24-B, 24-C, 24-D, 24-K, 25-A, 25-B, 26, 26-D, 27, 28, 28-A, 28-B, 28-E, 28-F, 28-H, 28-U, 29, 30, 30-A, 30-G, 30-I, 31, 31-C, 32, 32-A, 33, 33-A, 34, 34-B,



34-C, 34-D, 34-E, 35, 36, 38, 39, 40, 42, 43-B, 43-D, 44, 50, 55, 59, 61, 74, 101, 103-C, 105-T, 106, 110-A, 111, 112, 115, 201, 202, 204, 205, 206, 207, 208, 209, 210, 211, 213, 217, 218, 219, 220, 221, 222, 223, 224, 225, 226, 227, 228, 229, 231, 232, 233, 234, 235, 237, 238, 240, 241, 242, 244, 245, y 300.

Adres na Sabana Liber 20, 20-A, 20-B, 20-H, 22, 22-A, 24, 26, 26-A, 28, 28-A, 30, 30-A, 30-B, 30-D, 30-E, 30-F, 30-G, 30-H, 30-J, 30-K, 30-L, 30-M, 30-N, 30-P, 30-Q, 30-R, 30-T, 30-U, 30-V, 30-W, 30-X, 30-Y, 30-Z, 32, 34, 36, 36-A, 36-B, 36-D, 36-E, 36-F, 36-G, 36-H, 36-K, 36-M, 40, 42-B, 42-D, 42-G, 42-H, 44-A, y 46.

Adres na Sero Janchi 1-B, 1-C, 1-D, 1-F, 1-G, 1-H, 1-J, 1-K, 1-L, 1-M, 1-N, 1-Q, 1-R, 1-T, 1-V, 1-X, 1-Y, 3, 4, 5, 5-B, 5-C, 6, 7-J, 7-K, 7-L, 8, 10-B, 10-C, 10-D, 12-B, 14, 14-A, 14-B, 14-D, 14-L, 16, 16-C, 17-A, 18, 18-A, 18-B, 18-C, 18-F, 18-H, 18-G, 19, 19-A, 20, 20-B, 21, 22, 24, 24-B, 24-C, 24-D, 25, 25-B, 26, 26-A, 27, 28, 30, 31-A, 31-B, 32, 32-A, 40, 42, 43, 46, 47, 48, 48-B, 48-H, 48-J, 48-K, 50, 50-A, 50-D, 52, 52-A, 52-B, 53, 54, 55, 55-B, 55-C, 56, 57, 101, 102, 103, 105, 106, 108, 109, 110, 111, 114, 115, 117, 118, 120, 123, y 125.

Tambe tin adresnan manera Paraguana 11 y Paraguana 14. Saliña 1-B. Caya Dorothea R-Gil 7-H, y tambe adresnan na Matadera 16-B, 18-E, 19, 19-B, 19-C, 19-D, 19-J, 19-K, 19-L, 20, 21, 22, 22-B, 23, 23-D, 24, 24-A, 24-D, y 27.

Minister Dowers a extende e oportunidad pa solicita como Aspirante Coreccional di KIA

ORANJESTAD (AAN): Dialuna mainta, durante un conferencia di prensa, Minister di Husticia, Integracion, Transporte Publico y Energia, Arthur Dowers, a anuncia oficialmente cu a tuma decision pa extende e periodo pa por entrega

solicitud como Aspirante Coreccional di KIA.

Den e ultimo simannan, Ministerio di Husticia a haci un campaña amplio via aviso den prensa y media social pa motiva hobennan y otro interesadonan pa forma parti di e proceso di recluta-

mento. Te awo, casi 50 candidato a presenta nan mes den e prome fase.

Segun Minister Dowers, despues di e ultimo fecha menciona anteriormente, ainda tabata drenta varios reaccion y interes di parti di personanan cu kier a probecha e oportu-

nidad aki. Pa e motibo ey, hunto cu e comision encarga cu e proceso di "werving en selectie", a mira e necesidad pa extende e posibilidad pa solicita te cu diasabra 23 di mei 2026.

Despues di e fecha aki, lo inicia e diferente fa-



senan di seleccion, unda lo scoge e miho candidato cu lo continua cu e diferente pruebanan obligatorio pa por drenta e opleiding. Esaki ta inclui prueba medico y psicotecnico, condicion fisico, investigacion di antecedente penal y otro rekisito necesario pa e funcion.

Minister Dowers a enfatisa cu fortalecimiento di nos sistema coreccional ta un paso importante pa garantisar mas seguridad, estabilidad y profesionalismo den e sector di husticia. Minister a haci un yamada na tur persona interesa cu tin disciplina, responsabilidad y deseo pa sirbi comunidad pa entrega nan documentacion dentro di e periodo extendi.

Esnan cu ta interesa por entrega nan carta di motivacion, copia di diploma, 2 pasfoto no mas bieuw cu 3 luna, papel di 5 florin di Censo y CV na e centro di educacion di KIA, situa parti pa-tras di Warda di Polis na Balashi, diabierna 22 y diasabra 23 di mei entre 8'or di mainta y 1'or di merdia.

Live A Superior Experience

STUDENT ACCOUNT

JUST LIKE THAT!

Your freedom with the **Student Account**

Open your **Student Account** and take your first step into your financial future, with the chance to win:

◆ **AWG 1,000*** ◆
deposited straight into your new **Student Account.**



Scan To Apply

Valid until July 17th, 2026.

The winners will be announced during the week of July 20th, 2026.

*Terms and conditions apply.

Acusado ta bisa Hues cu e ta uza marihuana den KIA

Castigo 26 luna prizon pa bendedor di droga y haya cu arma di candela

ORANJESTAD (AAN): E homber J.L.P. acusa di posesion di arma di candela y vende droga, a admiti di tabata vende y tabatin un arma di candela. El a hasta bisa Hues cu e ta uza marihuana den KIA. Hues a gradici J.L.P. pa su honestidad. Hues a condena J.L.P. na 26 luna di prizon di cual 6 luna ta condicional cu 3 aña di prueba. Durante e tempo di prueba J.L.P. lo cay bou guia di Reclassering pa asina e rehabilita di su adiccion na droga.

Pistol: Recien tratamiento di e caso a tuma lugar caminda Fiscal a acusa J.L.P. cu entre December 2024 y December 2025 e tabata vende droga y cu entre 1 Juni 2024 y 2 December 2025 e tabatin un pistol Beretta y cantidad di municion, esta bala di 9 mm.

Segun J.L.P., el a cumpra e arma for di hende pa despues vende esaki. Sin embargo despues el a pensa cu si e vende e arma lo bin problema. Pesey el a keda cu e arma. Hues a bisa cu na Polis, J.L.P. a bisa cu e arma tabata un "pronkstuk". J.L.P. a bisa Hues cu e tabatin e arma warda y pesey e tabata considera e arma un pronkstuk.

Recidivista di Arma: Hues a puntra con hende ta bin ofrece arma na J.L.P. Segun J.L.P., e hendenan Venezolano for di kende e ta cumpra droga, a ofrece e arma. Fiscal a remarca cu anterior J.L.P. a wordo condena caba pa arma y tabata sa e consecucionan. Pakico e ta bolbe busca arma. J.L.P. a admiti cu el a haci malo.

Bende Droga: Hues a bisa cu tin indicacion cu J.L.P. tabata vende droga. Polis a detene un homber K. na un club nocturno, kende a bisa cu el a cum-



pra for di J.L.P. y a duna Polis e number di J.L.P. Asina Polis a cuminsa sigui WhatsApp di J.L.P. caminda ta mira hende ta puntra: "si tin snow", "si tin cheiba", "si tin wheat", "si tin white".

Droga y Arma haya: Esaki a conduci na un investigacion na e cas unda J.L.P. ta biba. Esaki a sosode dia 2 December 2025, caminda Polis a haya 721 gram di marihuana, 354,9 gram cocaina y balansa. Tur e droga tabata den sakitonan. Polis tambe a haya den blafon di e cas scondi un arma di candela cu cantidad di bala. Hues a remarca cu normal esnan den droga, tin un arma di candela. Ademá tin un cantidad di testigo cu a bisa cu a cumpra droga for di J.L.P.

Tur e droganan ta muestra cu J.L.P. tabata vende droga. J.L.P. a admiti di tabata yuda hende cu droga. El a bisa cu e ta uza marihuana y cocaina. El a bisa cu tur su conocirnan ta uza droga y e ta comparti cu nan pero a yega momento cu e no tabata comparti mas y tabata vende. J.L.P. a bisa Hues cu for tempo cu e tabata chikito, e tabata uza marihuana. El a bisa Hues cu tabatin un periodo cu dro-

ga tabata poco na Aruba y hendenan tabata bay cerca dje pa haya droga.

Uza droga den KIA: Hues a remarca cu J.L.P. a yega di haya condena di 22 luna di prizon pa droga y arma di candela y pakico J.L.P. ta bolbe haci'e. Hues a puntra si J.L.P. no a pensa kico e tabata haci. Segun J.L.P., e problema ta cu e ta keda uza droga. El a admiti di ta adicto.

El a bisa cu den KIA e sa haya marihuana. Hues a bisa cu e ta increibel pero e ta aprecia cu J.L.P. ta papia e berdad. J.L.P. a bisa cu e ta adicto y kier rehabilita.

Fiscal exige 30 luna di Prizon: Fiscal a bisa cu e caso a cuminsa ora a detene e homber K. cu droga. K. a bisa cu el a cumpra droga for di J.L.P. Fiscal a sigui bisa cu investigacion a muestra cu e tabatin droga y Baretta cu 47 bala scondi den blafon.

Desde 2024, J.L.P. tabatin e arma te December 2025 ora el a wordo deteni. Fiscal a bisa cu tin prueba cu dos vez na Januari 2025, J.L.P. a vende cocaina. Tambe J.L.P. a admiti di tabata vende marihuana.

Fiscal ta haya e caso serio. El a bisa cu droga ta causa hopi problema den comunidad. Tambe cu droga ta

crea criminalidad. Fiscal a bisa cu e ta tene cuenta cu na 2021 a condena J.L.P. na 22 luna di prizon pa e mesun cos. Fiscal a exige 30 luna di prizon pa J.L.P., di cual 6 luna ta condicional cu un tempo di prueba di 3 aña. Fiscal ta haya cu J.L.P. mester di ayudo pa su adiccion di droga. Fiscal ta kere cu lo ta bon pa laga Reclassering atende cu esaki. El a exige tambe pa e droganan y e arma y e balanan wordo destrui.

Abogado: mr. Illes a bisa Hues cu J.L.P. a admiti di a actua malo door di cumpra e pistol. Pa loke ta e droganan, e abogado ta haya cu esaki ta bendemento masha limita. El a bisa cu Polis a scucha J.L.P. casi 5 luna y a conclui cu J.L.P. no ta un bendedor grandi di droga. E abogado a bisa Hues cu J.L.P. kier haya

ayudo pa su adiccion. E abogado ta haya e castigo existi pa Fiscal na su lugar.

Sentencia: Hues a sera tratamento di e caso y a dicta sentencia di biaha. Hues a bisa cu droga ta un problema grandi. J.L.P. ta forma parti di e circuito di droga. Esaki ta un caso hopi serio.

Pa cu e castigo, Hues a bisa cu e ta tene cuenta cu anterior J.L.P. a wordo condena pa mesun cos y e ta bolbe haci mesun cos atrobe. Hues tambe a tene cuenta cu J.L.P. no tabata vende na grandi. Hues ta considera esaki, posesion di droga y arma di candela. Hues a tene cuenta cu J.L.P. a admiti di ta adicto na droga y ta yuda amigonan. Tambe Hues a tene cuenta cu J.L.P. kier ayudo.

Hues a bisa cu e ta desvia un poco di exigencia di Fiscal. Hues a condena J.L.P. na 26 luna di prizon di cual 6 luna ta condicional cu un tempo di prueba di 3 aña. Hues a ordena pa J.L.P. cay bou guia di Reclassering durante e periodo di prueba pa asina J.L.P. por rehabilita di su adiccion.

Hues a hala atencion di J.L.P. cu e ta duna J.L.P. un ultimo chens y awor den practica mester muestra cu J.L.P. ta den serio. Hues a bisa cu si J.L.P. bolbe cay pa droga, e ora ey por spera castigo pisa.

DE BESLISSING

Het Gerecht:

stelt Jemmy Dayson DIRKS, geboren op 4 juli 1992 in ARUBA, onder curatele,

benoemt over de onder curatele gestelde tot curatrice zijn moeder Fabiola RAMIREZ VILLAMARIN, geboren op 10 september 1961 in Colombia en wonende in Aruba.

Sindicatonan ta pidi Parlamento pa pone un STOP na e Rijkswet HOFA

ORANJESTAD (AAN): Sindicatonan a manda un carta dia 7 di mei 2026 pa Parlamento, caminda nan ta splica un biaha mas nan posicion y ta pidi Parlamento pa para e proceso di e Rijkswet Hofa.

E consejo di Raad van Advies, como e organo di consulta mas halto di nos isla, consistiendo di expertonan local cu conocimiento profundo di ley y di e estructura constitucional di Aruba, riba su mes ta ofrece un base solido y cu autoridad local pa tuma decision. Ademas, mester enfatisa

cu e preocupacion principal no ta exclusivamente di naturaleza tecnico-huridico, pero den su esencia esaki ta mishi cu e estructura fundamental di nos democracia parlamentario y e grado den cual Parlamento di Aruba, como e organo representativo di pueblo, por eherce su funcion constitucional. Consecuentemente, Parlamento di Aruba no por, ni tampoco mester limita su mes na warda riba un consejo adicional externo, pero mester orienta su mes riba duna direccion propio na e trayecto



constitucional. Den e contexto aki, sindicatonan ta desea di haya sa for di Parlamento di Aruba si e contenido di e consejo di Raad van Advies ta motibo pa reconsidera y cancela e proceso di e Ley di Consenso di Reino HOFA den su forma actual.

Aruba NO kier un rijkswet: Actualmente den Parlamento, 10 di e 21 parlamentarianan ta contra e Rijkswet; banda di esaki, 13 sindicato cu ta representa miles di miembro tambe ta contra, y mas di 12.000 persona a firma e peticion contra e Rijkswet. E ta obvio cu nos NO por papia cu tin consensus!

Gobierno no kier respeta

e deseo di pueblo y, pa un 'sakito di placa' di 7.5 miyon Florin, nan ta bay destrui nos Status Aparte. Con Gobierno kier pa nos celebra 40 aña di Status Aparte, si despues di e cuater decananan aki nan mes ta kita esaki for di nos pueblo? Esaki ta traicion.

CAft a caba di duna su consejo riba presupuesto 2026. Den e consejo, CAft ta señala cu e debe di pais Aruba (e debt-to-GDP) ta baha bou di 50% y lo yega na 47% na aña 2028. Desde inicio, ora a cuminsa e discusion riba e Rijkswet, e condicion di Gobierno di Hulanda tabata cu, pa tin finansa sostenibel y duradero, e debe di pais Aruba lo mester ta bou di 50%. Wel, Aruba a demostra cu nos mes por, y ya aki dos aña nos debe ta baha bou di e 50% aki.

E ora ey, naturalmente, nos mester puntra nos mes: kico ta e urgencia y e necesidad pa entrega nos autonomia financiero, si nos a demostra caba cu nos mes por?

Ta insolito pa pensa cu tin politiconan Arubiano, manera Gerlien Croes, Geoffrey Wever y Mike Eman, cu kier pa nos celebra cu nos ta biba den

un pais liber, mientrastanto nan kier entrega nos libertad y bende nos pais pa un 'sakito di placa'. Ta mas insolito ainda pa pensa cu nan kier entrega nos finansa publico y nos autonomia financiero, siendo cu aki dos aña caba nos debe di pais lo baha bou di 50%!

Aruba tin supervision financiero caba ancra den e Landsverordening Aruba Financieel Toezicht (LAft); nos ta cumpliendo cu tur e normanan, nos ta pagando nos debenan cu Hulanda y ya caba nos debe a baha substancialmente despues di e pandemia. Mirando esaki, no tin ningun motibo valido ni ningun hustificacion pa acepta e Rijkswet Hofa.

Libertad di un pais ta algo Sagrado. Nos ta un pais liber desde aña 1986 y, danki na e libertad aki, nos pais por prospera y progresa. Nos tin e libertad pa tuma nos propio decisionnan, e libertad pa vota den nos propio Parlamento y e libertad pa maneha nos fondonan segun nos mesun deseo. Tur esaki ta wordo kita for di nos cu e Rijkswet Hofa.

E pregunta principal ta keda: Di con Gobierno kier destrui nos Status Aparte?



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 5 juni 2026 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. Een woonhuis plaatselijk bekend als

SANTA CRUZ 25

staande op een perceel eigendomsgrond groot 1.000 m2 gelegen te Santa Cruz in Aruba, kadastraal bekend als Eerste Afdeling Sectie R nummer 779

Inzetprijs: Afl. 540.515,00

2. Een complex van 2 percelen domeingrond gelegen te Seroe Pita in Aruba met het daarop staande woonhuis plaatselijk bekend als

SEROE PITA 11-F

welk complex bestaat uit het recht van erfpacht tot 9 mei 2049:

- a. een perceel domeingrond groot 839 m2 kadastraal bekend als Eerste Afdeling Sectie R nummer 2630;
- b. een perceel domeingrond groot 520 m2 kadastraal bekend als Eerste Afdeling Sectie R nummer 3976.

Inzetprijs: Afl. 970.445,00

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 21 mei 2026 ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com

Het biedingsformulier is zowel op het kantoor van Newleaf Notary alsmede op de website www.newleafaruba.com verkrijgbaar.

Iedere bieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Dahariana Evertsz a splica:

Personal di DVG tambe a check nan number na pia di trabao

ORANJESTAD (AAN) Den entrevista cu Matutino DIARIO, señora Dahariana Evertsz, Hefe di Seccion Promove Salud di DVG, a duna di conoce cu nan tambe a observa e Dia Mundial di Hipertension, cu a wordo celebra Diadomingo ultimo, 17 di Mei.

Na DVG nan a celebre na pia di trabao como "Health Promotion", cu tur colega y personanan cu a participa hunto cu nan, p'asina midi nan presion, y haya consejo tocante "Sa bo numbertan". Nan a controla presion, sucu, a haya informacion di parti di nutricion, y tambe diferente flyers di FADA, a haci midimento di cintura, haltura y peso, y a duna nan tambe informacion kico esaki ta nifica pa nan curpa, kico ta e cambionan cu nan lo mester haci pa mantene un balansa pa bira saludabel. Algo cu nan kier implementa, Dahariana a indica, y ta un di e tareanan di "Health Promotion" pa enfoca riba promocion di salud na pia di trabao den DVG mes,

mescos cu nan ta haci cu tur hende. "Pesey tambe ta hopi importante cu nos coleganan a uni cu nos awe, pa haci nan midimento, pa zorg pa nan salud tambe ta bon, pasobra nos ta e cara di salud pa nos comunidad", Dahariana a señala. El a agrega cu e salud di hende ta varia den cada ciudadano, y enberdad tin hende cu nan presion ta halto y nan no sa ni mes cu t'asina.

"Algun di nan ta na medicamento y tin biaha nan ta lubida di tum'e, y mi kier pa tur hende corda cu presion ta algo hopi silencioso, cu bo no sa ora bo presion ta halto. Haci bo chekeonan, principalmente si bo ta un persona cu ta consumi hopi salo y sucu. Tambe e parti di alimentacion ta hopi importante. Nos sa cu nos habito di comemento ta varia, pero tin cu wak tambe cu loke bo ta come, si no bebe suficiente awa, si no ta drumi suficiente, si bo estado di stress ta hopi halto, tur esaki ta pone bo na riesgo pa haya hipertension y presion halto",



Dahariana Evertsz a señala.

E ta conseha ora bay doctor di cas, corda check bo presion y bo sucu de vez en cuando. "Si bo tin habito di biba mas saludabel, educa esnan mas chikito of adulto mayor. No warda pa bo wordo diagnostica cu bo tin presion halto, p'asina bo tene na cuenta" Dahariana a agrega. El a expresa tambe cu DVG tin preocupacion cu tin hoben tin presion halto, pero tambe cu nan nivel di stress ta hopi halto, pa motibo cu nan tin examen, cu nan no ta come saludabel, pero como adultonan mester duna nan un bon ehempel, cu si nan come saludabel esaki ta influencia nan di un manera of otro.

Trans fat por haci daño na bo memoria

Hende hombernan cu ta come hopi trans fat por ta haciendo daño na nan memoria. Trans fat ta subi e nivel di LDL (colesterol malo) y baha e HDL (colesterol bon).

Fabricanan di cuminda ta uza trans fat pa duna e cumindanan mas sabor y bo ta haya esaki vooral den cumindanan procesa. Ne-

goshinan ta traha trans fat door di combina hydrogen cu vegetable oil. Mayoria di cumindanan hasa cu bo cumpra riba caya ta wordo cushina den zeta cu ta un combo di hydrogen y vegetable oil.

Pa cada gram di trans fat consumi, 0.76 palabra of frasenan no por a wordo corda of recorda. Esaki ta

representa un 10% di perdida di memoria.

Esnan involvi den e estudio ta kere cu e consumo di trans fat tin efecto riba e celnan cu ta reduci e fluho di sanger pa e partinan di mas di importante di e cerebro. Ademá di esaki, trans fat tin efecto riba loke ta malesanan di curason, stroke y cierto cancer.

Pues ora bo cumpra cuminda, lesa e labelnan bon prome y evita esnan cu ta indica cu tin transfat of

	% Daily Value*
Total Fat 11g	17%
Saturated Fat 2.5g	12%
Trans Fat 2.5g	
Cholesterol 0mg	0%
Sodium 105mg	4%
Total Carbohydrate 0g	0%

margarina of hydrogenated oil.

No lubida, trans fat ta pone

cu e producto por keda mas largo riba reki pero ta corta bo bida!

Receta di Siman POACHED EGGS CAPRESE



Ingrediente

21 cuchara di vinagre
2 telep di salo
4 webo
2 English muffin, corta na mita
4 (1 ons) slice di mozzarella cheese
1 tomati, corta na slice
4 telep di pesto
salo na smaak

Preparacion

Yena un wea cu 2 pa 3 inch di awa y herbe esaki. Reduci e candela na medium-low, basha e vinagre y 2 telep di salo y sigui laga e awa cayente. Mientrastanto, pone un slice di mozzarella cheese y un slice di tomati riba e English muffin, y hinca esaki den un toaster oven of den fornu te ora e keshi smelt, pa mas o menos 5 minut.

Kibra un webo den un bowl chikito. Tene e bowl net riba e awa cayente y cu hopi cuidao lage bay den awa. Ripiti cu e resto di e webonan. Lage den awa pa 2-3 minut. Ora bo wak cu e blanco di webo a bira firme, cuminsa saca nan for di e awa y pone riba un paña di cushina pa e seca un tiki. Ora di sirbi, pone e poached egg riba cada English muffin y agrega un telep di pesto riba dje. Salo y peper na bo smaak.

Kico pa come pa mantene un higra saludabel y evita malesa di higra

E higra ta un organo clave involvi den kibra nutrienden, galproductie y elimina toxinan. Su funcion corecto ta esencial pa salud en general. Den ultimo añanan, malesa di higra graso no-alcoholico, cu awor ta wordo yama malesa di higra asocia cu disfuncion metabolico (MASLD), a bira un di e condicionnan di higra mas comun den adultonan.

Segun Mayo Clinic, mantene un dieta basa riba e dieta Mediterraneo y reduci cuminda ultra-procesa ta yuda preveni e trastorno aki. Maneho di MASLD ta depende principalmente di dieta, actividad fisico, y maneha factornan di riesgo manera obesidad y diabetes.

Ki cuminda ta yuda mantene un higra saludabel? Evidencia recoge pa e Mayo Clinic y e Fundacion Mericano di Higra ta indica cu e dieta Mediterraneo, rico na fruta, berdura, proteina y vetnan saludabel, ta esun mas recomenda pa salud di higra.

-Fruta y berdura



pal ta pa consumi por lo menos tres porcion di berdura y dos porcion di fruta pa dia. Opcionnan manera broccoli, spinazie, asparagus, wortel, appel, citrus y blueberry ta provee fibra, antioxidante y polifenol, cu ta yuda reduci inflamacion y daño na cel den e higra.

Mayo Clinic ta señala cu e polifenolnan haya den frutanan manera druif y blueberry ta yuda reduci e acumulamento di vet den e higra.

-Grano integral y bonchi
Incluyendo grano completo (avena, aros bruin, pan y pasta volkoren) y legumbre (lenteha, garbanzo, bonchi) den bo dieta ta provee

un fuente importante di fibra y nutriente. E cuminda aki ta yuda controla peso y nivel di sucu den sanger, dos factor clave pa preveni e desaroyo di malesa di higra.

-Pisca y proteina

Come pisca manera salmón, tuna, makarel y sardin ta provee acidonan omega-3, cu tin efectonan anti-inflamatorio.

Segun Fundacion Mericano di Higra, e vetnan saludabel aki ta hunga un rol importante den reduccion di vet di higra y mantencion di nivelnan adecua di enzima di higra. Otro nutrienden di proteina recomienda ta inclui galiña sin cuero, webo y legumbre.

Na Riohacha, La Guajira, Colombia

Conmemoracion di 200 año di relacion diplomatico entre Reino Hulandes y Colombia



ORANJESTAD (AAN): “Mma Pe’ipaasü” ta un expresion na Wayuunaiki, lenga nativo di e pueblo indigena Wayuu di La Guajira, Colombia, cu ta nifica “E tera cu ta uni nos”. Esey ta locual a predominar durante e dianan 2 y 4 di mei ultimo pa conmemora 200 año di relacion diplomatico entre Reino Hulandes y Colombia, cu a uni henter un reino y un pais na La Guajira su ciudad capital Riohacha, unda e relacion historico aki a nace.

Tabata un acontecimiento diplomatico di gran bolor y di trascendencia grandi cu ta busca consolida e relacion aki teniendo na cuenta e rol historico di La Guajira. Pa duna contenido na e conmemoracion aki varios evento a tuma lugar: Un di nan tabata na Salon Yotojoro di Riohacha, organiza door di Universidad di La Guajira y e compania Hulandes di energia solar Gutami, bou di e titulo ‘Construyendo brug pa un desaroyo sostenibel’. E combersatorio aki a conta cu representacion di e gobierno regional, como tambe di e gobiernonan di Corsou y Aruba. Tambe tabatin presencia, entre otro, di diplomatico, representante di e sector cultural, comunidad Wayuu y medio di comunicacion.

Acto protocolario: E acto oficial di e bicentenario di relacion diplomatico entre Reino Hulandes y Colombia a inicia dia 2 di mei: Día de la Guajiridad. Un fecha cu ta recorda e hecho historico na 1769 caminda e pueblo Wayuu a lanta contra ehército Spaño cu a invadi nan tera y kier a somete su pueblo ancestral na e yugo Spaño.

E ceremonia a tuma lugar na Plaza Almirante Jose Prudencio Padilla, den pleno centro di Riohacha, cu un acto protocolario di hisamento di bandera y ponemento di ofrenda floral dilanti di estatua di e heroe naval di independencia di Colombia, kende a nace na Camarones, La Guajira.

Despues esnan presente a haci un recorrido for di e plaza te na e asina yama “Esquina Holandesa” na Riohacha, unda tin varios cas monumental di interes patrimonial. Eynan a tuma lugar un encuentro grato na Casa Pinedo Deluque. Un cas cu ta conserva e recuerdo nan di e descendientenan di e famianan di Holanda, Corsou y Aruba. El a bira un escenario di dialogo, caminda e representantenan diplomatico por a scucha, entre otro, e palabranan emotivo di e presidente encarga di Fundacion Amigos Neerlandeses, Sr. Víctor Smit Ibarra.

Gala Cultural: E mesun dia, ora cu solo a cuminsa baha den Lama Caribe, a tuma lugar un Gala Cultural bunita y varia, denomina “Los Lazos que nos Unen”, cu a atrae un gran cantidad di persona na Centro Cultural de La Guajira. Tabata un agenda masha varia, tanto artistico como literario. Tabatin presencia di Minister di Cultura di Corsou, Sr. Sithree van Heydoorn, Embahador di Colombia na Hulanda, Señora Carolina Olarte, Embahador di Reino Hulandes na Colombia, Señora Reina Buijs, y representante di Gobierno di Aruba y presidente di Stichting Rancho, Sr. Clifford Rosa. Igualmente e Gala Cultural a conta cu presencia di e delegadonan di Gobierno Distrital di Riohacha y Gobierno Departamental di La Guajira.

E apertura di e actividad cultural aki tabata na encargo di e marca turistico Descubre La Guajira, cu un baile tipico Wayuu, yama “yonna” of chichamaya. Tambe un bunita show Caribe Soy di Fundacion Arte Somos. Despues di algun palabra protocolario, e dos artistanan Arubiano residencia na Hulanda, Alydia Wever y Ryan Oduber, a presenta e performance Cunucu di Seit.

Igualmente a tuma lugar lansamento literario di e dos edicion di Revista SER Caribe, cu a compila trabao



di 35 colaborado di contenido di 10 pais (Aruba, Colombia, Corsou, Costa Rica, Cuba, El Salvador, Honduras, Panama, Puerto Rico y Venezuela). A dedica e portada di e revista, disponibel den su forma digital riba website di Coleccion Aruba (coleccion.aw), na e linguista Riohachero/Arubiano Ramon Todd Dandare. E ta un art work style di pop art, realisa pa e dos artistanan talentoso Aram Aaron y Kartier Aaron, kendenan ta estudiante Arubiano residencia na Hulanda. Pa loke ta e parti literario, e escritor- y poetanan di Corsou Gabriel Mitchel Murray y di Aruba Arturo Desimone a presenta nan obranan, respectivamente ‘Blou Mussa’ y ‘Truenos y Caracolas’.

E grupo Ban Papia di Teatro di Aruba, kende su miembronan tambe a forma parti di e mision familiar di turismo etnico y cultural Bek Na Raiz, a presenta e obra teatral Walekerü, cu a gosa di un gran aceptacion di e publico presente na Centro Cultural de La Guajira.

E parti musical di e Gala Cultural aki tabata na encargo di e musiconan Lisandro Pinedo y Roberto Camargo, kendenan cu nan talento a alegra e evento aki. Durante e gala aki tabatin un seccion di entrega di reconocimiento na nomber di Gobernador di La Guajira, Sr. Jairo Aguilar Deluque, na Embahador Hulandes na Colombia, Señora

Reina Buijs, Linguista Sr. Ramon Todd Dandare y presidente di Stichting Rancho, Sr. Clifford Rosa.

Dialogos del Gran Caribe: E agenda conmemorativo di 200 año di relacion diplomatico entre Reino Hulandes y Colombia, bou di e slogan na Wayuunaiki “Mma Pe’ipaasü”, a inclui dia 4 di mei un combersatorio cu e titulo: Dialogos del Gran Caribe.

Tabata un actividad academico desaroya pa medio di tres panel: Cultural, Economico y di Relacion Familiar. Den e panel cultural a participa Señora Ieteke Witteveen di Corsou, Sr. Weidder Guerra Curvelo di Colombia y Sr. Benjamin Romero Barliza, Sr. Clifford Rosa y Sr. Ramon Todd Dandare di Aruba, y gestor cultural Señora Maria Isabel Cabarcas Aguilar, kende tabata e moderador di e panel aki. Igualmente a uni su mes na dje Director di Cultura Departamental di La Guajira, Señora Seidy Obregon, kende a fungi como anfitrión treceiendo dilanti bunita palabra di apertura.

Den e di dos panel, tocante desaroyo economico, e moderador tabata Economista y Magister den Politica Publico di Universidad di Oxford, Sr. Juan Felipe Romero. E panel tabatin participacion di Secretario di Desaroyo Economico

di Gobernacion di La Guajira, Sr. Jhon Bleiner Muñoz, Secretario di Desaroyo Economico di Alcaldia di Riohacha, Sr. Hugo Bandera, Sr. Luis Luna di Camara di Comercio di La Guajira, Sr. Harold Schoop di Colombian Water Conditioning, Sr. Sebastian Wanipar di e compania Gutami y Andres Romero di Procolombia.

Finalmente, Señora Natasha Pinedo, kende ta dirigi Fundacion de Genealogía y Patrimonio Raíces Karibenses na Riohacha, a guia e panel di relacion familiar entre La Guajira y Reino Hulandes. Den e panel aki a participa Sr. Raymond Hernandez, director di Archivo Nacional di Aruba (ANA), Sr. Jairo Escobar di Academia di Historia di La Guajira y Sr. Víctor Smit di Fundacion Amigos Neerlandeses. Na final e conclusion di e panel a keda na encargo di Señora Natalia Roman den representacion di Embahada di Reino Hulandes na Colombia.

E eventonan aki a wordo modera exitosamente pa Señora Ivette Pinedo, kende ta Magister den Turismo y Publicista. E ta un profesional Riohachero, descendiente di migrantenan di Corsou.

E magno evento pa conmemora e 200 añanan di relacion diplomatico entre Reino Hulandes y Colombia y organizacion di esaki na Riohacha tabata na encargo di Embahada di Reino Hulandes na Colombia, Fundacion InspirARTE Aain, Fundacion de Genealogía y Patrimonio Raíces Karibenses y Casa Pinedo Deluque di Riohacha y Stichting Rancho y Arturo Desimone di Aruba, contando cu apoyo di Gobernacion di La Guajira y Alcaldia di Riohacha.

Maria Kelly cu donacion di su arte visual na Horacio



ORANJESTAD (AAN): Recientemente Horacio Oduber Hospital (HOH) a ricibi un coleccion di arte hopi special. Manera pone un pia den e entrada pa Area por admira awo un coleccion di arte visual di barbulet traha cu mosaico hopi unico. E artista local Maria Kelly a dicidi di regala e obra di arte aki ya cu e ta bay muda y unda miho cu na Hospital. “Un exposicion normalmnte tin un duracion cortico, pero aki e obra por keda permanentemente pa tur cu pasa por admira.” Obran di arte ta un fuente continuo di inspiracion y conexcion pa tur y tambe pa esnan cu ta bishita hospital.

-Arte y cuido

E coleccion mosaico ta hopi colorido y visibel for di pafocaba. “Di e forma aki, e obra ta un exposicion permanente cu bishitante, pashent, empleado y tur cu ta pasa por aprecia diariamente. Nos ta super feliz y agradecido



cu Maria a pensa riba nos,” Jacco Vroegop di Hunta di Directiva ta conta. “Nos kier ta un edificio unda hende ta sinti nan mes na cas. No solamente nos ta brinda cuido di calidad, pero nos ta purba crea tranquilidad y serenidad tambe. Nos no ta solamente trata pashent, pero tambe nos kier contribui na e bienestar mental. Arte ta crea conexcion y ta inspira. Tur hende tin nan propio gusto, pero mi ta spera cu hopi hende lo aprecia e coleccion vibrante aki. A traha riba e coleccion aki pa

hopi aña y cu hopi pasenshi. E ta realmente algo special mirando e detayenan y dedicacion cu a bay den e obra di arte aki.”

-Inspiracion

Maria Kelly ta conta cu su inspiracion pa traha e coleccion “Bunita bida di un barbulet” a bin for di su amor pa naturalesa y traha den cura. E ta encanta e barbulet cu ta bula di flor pa flor, mescos parha y flonan cu ta forma parti di e tema central. E ta sigui conta cu ela sigui les di mosaico na 2015 unda su pa-



sion pa e forma di arte aki a nace y sigui crece. Maria a dicidi pa spaar placa pa inverti den material pa e por sigui cu e hobby aki despues di su pensioen. Pa e obra aki tambe ela uza material reuzabel. Tambe e ta gradici su amiga y ex-empleado di

HOH, Virginia Tromp, cu a yuda logra realisa e donacion di su coleccion. HOH ta gradici sra. Kelly pa e bunita gesto aki y ta enfatisa cu arte ta trece balor, conexcion y un ambiente caluroso pa tur hende y muy en especial na Hospital.

Arubiana-Caribiana di Biblioteca ta invita comunidad

Diahuebs awor lo tin ‘conversatorio’ dedica na Ito Tromp

ORANJESTAD (AAN): Biblioteca Nacional Aruba, Departamento Arubiana-Caribiana, ta invita comunidad pa participa den e proximo conversatorio “Comparti nos Herencia”, cu e biaha aki lo pone enfoca riba e legado literario y cultural di sr. Ito Tromp.

E actividad, bou e titulo ‘Duna Mi Dos Placa di Palabra’, lo crea un espacio di encuentro y reflexion tocante contribucion di Tromp na idioma, literatura y identidad cultural di Aruba. E conversatorio ta busca conecta generacionnan cu nos herencia cultural y destaca e impor-

tancia di preserva y comparti nos historia y expresionnan cultural.

E actividad lo tuma lugar riba: Diahuebs 21 di mei 2026 di 5:30 pm te 7:30 pm na Arubiana-Caribiana, Bachstraat 5.

Entrada ta gratis, pero espacio ta limita. Pa confirma presencia, interesadonan por manda un mensahe of yama na 592-6197.

Biblioteca Nacional Aruba ta anima tur persona interesa den cultura, literatura y patrimonio di Aruba pa forma parti di e anochi special aki.



Den reunion cu burgemeester di Utrecht Sharon Dijksma

Premier Eman kier fortalece cooperacion cu Asociacion di Gemeente Hulandes

ORANJESTAD (AAN): Den cuadro di su bishita di trabao na Hulanda, Prome Minister di Aruba mr. Mike Eman a realiza un encuentro dialuna merdia cu burgemeester di Utrecht, Sharon Dijksma. Durante e encuentro, a papia ampliamente tocante sostenibilidad, economia circular, reciclahe di materia prima y cooperacion regional.

Burgemeester Dijksma, cu tambe ta presidente di Vereniging van Nederlandse Gemeenten (VNG), a comparti su experiencia riba cooperacion y gobernacion local por colabora mas cerca pa fortalece conocimiento, innovacion y capacidad administrativo.

Durante e combersacionnan, Prome Minister Eman a amplia riba e desaroyonan cu Aruba ta haci actualmente relaciona cu reutilisacion di area industrial di ex-refineria na San Nicolas unda ta busca pa solucion sostenibel pa proceso di sushi y reciclahe. A discuti tambe e posibilidadnan pa cooperacion entre e diferente islanan den region Caribe pa enfrenta reto comun den un forma mas eficiente y sostenibel.

Un tema importante durante e encuentro tabata in-

novacion den reciclahe y e importancia creciente di economia circular. Burgemeester

Dijksma a señala e experiencia amplio cu tin den Hulanda, incluyendo e trabaonan di

idea di busca solucionnan regional pa proceso y reciclahe di materia prima. Segun dje,

cooperacion entre gobierno, e expertonan tecnico y sector priva ta esencial pa responde n'e retonan ambiental moderno.

Sharon Dijksma no ta un persona desconoci pa Aruba, Prome Minister Mike Eman a yega di reuni cu e actual burgemeester di Utrecht tempo e tabata staatssecretaris di Hulanda pa medio ambiente y economia entre 2012 pa 2017.

Den dos siman di tempo Prome Minister Mike Eman na Hulanda lo reuni cu varios mandatario di Gabinete Jetten como tambe diferente otro instituto di importancia pa Aruba.



NV Huisvuilcentrale (HVC), un compania Hulandes specialisa den reciclahe, proceso di desperdicio y energia sostenibel. Prome Minister Eman a expresa gran interes den e conocimiento y tecnologia cu por contribui na futuro sostenibel di Aruba y di region Caribe.

Prome Minister Eman a enfatisa cu hopi isla na mundo ta confronta e mesun reto tocante maneho di desperdicio y reciclahe. Aruba kier move mas y mas for di modelonan

tradicional entreo otro di kima sushi, y busca oportunidad pa converti sushi den energia y/of den producto nobo uzabel den nos islanan. Gobierno di Aruba ta aprecia enormemente e disponibilidad di Burgemeester Dijksma y e institucionnan Hulandes pa sigui fortalece cooperacion y intercambio di conocimiento den beneficio di un futuro mas sostenibel pa Aruba y nos islanan ruman.

Burgemeester Dijksma a expresa tambe su apoyo p'e

Daniel Rodriguez Facundo a regresa Spaña

Un admirabel F&B Manager di RIU Palace Hotel Antillas a regresa Spaña



ORANJESTAD (AAN): E siman aki, e director di F&B di RIU Palace Hotel Antillas a regresa su pais Spaña, y el a comporta su mes hopi bon den e cuatro aña. E ta procedente di Islanan Canaria, y ta un persona hopi agradabel, y no tabata nada arogante.

Ta trata aki di Daniel Rodriguez Facundo, y e tabata un persona kende ademas di scucha recomendacion di su empleadonan, tabata mustanan riba e forma perfecto pa atende e bishitantenan. E ta wordo describi como un 'bon persona', y tabata agradabel pa traha cu ne.

Daniel a gradua na Colegio Hispano Inglés na Spaña, el a studia y gradua den 'Turismo', y posteriormente a sigui pa su Master den Hotel Management, y alavez e tabata traha como waiter. Despues

el a bay traha pa un compania Sweet Garden cu tabata encargu cu Casnan di Vakantie.

Asina el a yega na traha cu e cadena hotelero di RIU como Sub-Director, y a bin haci practica na Aruba pa seis luna na 2023, y despues a bira e director di Rooms Division Manager na RIU Palace Hotel Aruba, y asina a yega bira Food & Beverage Manager na RIU Palace Hotel Aruba pa 3 aña y mey.

Aruba ta keda contento ora cu hendenan bon prepara ta bin traha pa Hotelnan pa atende turismo, cu bon wowo pa sigui sostene empleadonan, y tambe pa duna guia na empleadonan pa nan tambe mehora nan mes.

DIARIO ta desea Daniel Rodriguez Facundo tur clase di exito awor cu el a regresa Spaña.



Aruba Bank orguyoso di participa como sponsor den Aruba Doet 2026 na Cunucu Abao



ORANJESTAD (AAN): Aruba Bank ta mira cu hopi orguyo bek riba un proyecto exitoso durante Aruba Doet 2026, unda un team dedica di boluntario a uni forsa pa contribui na mehoracion di e comunidad di Cunucu Abao.

Durante e actividad di 16 di mei 2026, boluntarionan di Aruba Bank a traha hunto pa duna un bida nobo na e espacio

comunitario. E proyecto a inclui mantencion di ekipo di ehercicio creando un espacio mas bunita, seguro y agradabel pa tur residente di Cunucu Abao.

Aruba Bank ta hopi agradeci na tur boluntario cu a participa y contribui cu entusiasmo y compromiso durante e proyecto. E iniciativa aki a logra haci un impacto positivo den nos comunidad.

Aruba Bank ta continua na compromete cu iniciativa comunitario cu ta fortalece Aruba y mehora e bienestar di su comunidad.



Lazaro a gana di segundo premio di Mini Mega



ORANJESTAD (AAN): Recien Lazaro a cumpra ticket loco pa e sorteo di Mini Mega. Y el a bin nota cu tur cuatro number riba e ticket a sali ganador. E unico cu e no a haya bon, tabata e Megaball.

Esey nifica cu Lazaro a gana di dos premio di Minimega. Recien el a acudi na oficina di Lotto pa asina reclama su premio. Aki e funcionaria a revisa su ticket, y ora di scan e barcode riba e ticket, e computer a confirma cu Lazaro a gana 12.071 Florin.

Mesora a sigui cu e proceso pa transferi e premio electronicamente pa su cuenta di banco. E ticket ganador a wordo cumpra na Sheba Lottery.

Votamento a cuminza pa e premio di Oranje Fonds

Publico di Aruba tambe por vota pa mira kende den Caribe ta gana ‘Appeltje van Oranje’



ORANJESTAD (AAN): Habitantenan di Caribe por vota ya e siman aki caba pa nan candidato favorito pa e premio ‘Appeltje van Oranje’. Dies organizacion di Caribe ta bin na remarke pa gana e premio. Oranje Fonds ta entrega cada aña un ‘Appeltje van Oranje’ na tres organizacion cu ta dedica pa crea un sociedad conecta den Hulanda y Caribe Hulandes. Bo por vota te cu dia 27 di Mei via e website:

www.bit.ly/2026appel
Lo bay tin dies dia pa vota! Oranje Fonds a anuncia na Maart caba e nomber di e organizacionnan cu candidato pa ricibi Appeltje van Oranje. E organizacionnan den Caribe ta forma parti di e cincuenta candidatonan en total. Esnan di Caribe ta:
(*) Stichting Trampolin pa Trabao -Aruba.
(*) Fundacion Pa Nos Comuni-

dad -Aruba.
(*) Fundacion ADRA -Aruba.
(*) Stichting Hestia Stichting Hestia -Curaçao.
(*) Mega D Youth Foundation -St. Eustatius.
(*) Freegan Food Foundation -St. Maarten.
(*) Fundashon ManUniko -Curaçao.
(*) Excellence Center in Education Foundation (ECE) -Curaçao.
(*) Fundashon Sentro di Bario Otrobanda -Curaçao.
(*) Leaders for Change -St. Maarten.
Publico lo dicidi via di votamento, cual organizacion lo bay bira e prome nominadonan. Despues di esey, un hurado lo determina cual otro nueve organizacion lo wordo wnomina durante un dia di presentacion na Juni. E dia ey, tur e candidatanan lo presenta nan mes na otro y na hurado. Tres organizacion ta gana finalmente e Appeltje

van Oranje. Na October, Reina Maxima lo anuncia cua di e tres organizacionnan aki lo ricibi un premio.

Lucha contra pobreza: Pobreza ta un problema persistente na Caribe. Su impacto ta enorme y ta afecta salud, e oportunidadnan y e capacidad di participa den sociedad. Un di cada tres habitante den Caribe ta biba den pobreza. Maneho actual contra pobreza ta hopi complica of no ta suficiente, cu ta stroba e personanan ta haya e apoyo cu nan mester di dje. Pesey, e iniciativa social ta indispensable pa reduci y preveni pobreza. Nan ta hopi cerca di publico, ta conta cu nan confianza, y ta of-

rece e apoyo cu e personanan tin mester di dje.

Oranje Fonds ta entrega e premio ‘Appeltje van Oranje’ na tres iniciativa cu ta promove un sociedad inclusivo y comprometi. Pa por haya e premio, e iniciativa nan aki mester ta unico, creativo, y significante, y ta por lo menos dos aña activo. E tema di Appeltjes ta cambia cada aña. E premio ta consisti di un estatua chikito di brons, diseña y realiza pa Prinses Beatrix y un suma di 25.000 Euro. E placa por wordo gasta libremente den e metanan di e iniciativa ganador. Cada aña, Reina Máxima ta entrega e tres Appeltjes van Oranje na Pa-leis Noordeinde.

Papiamento ta un idioma y no un dialecto

Sr. Redactor, permiti mi un espacio den DIARIO pa mi duna un repiticion di informacion cu hopi hende na comunidad sa, pero algun otro sorprendentemente no sa mes, incluyendo algun Tourguide na Aruba!
Esaki ta pa e ignorantenan cu a base diario ta duna mal

informacion na nos bishitante-nan y tin biaha cu asta un tono di burla y menosprecio.
Papiamento no ta un dialecto si no un idioma y ta registra como tal. Por favor stop di duna mal informacion y si tin duda por consulta A.I. y lo bo haya e informacion corecto.

Stop di menosprecia y haci burla di un isla y su idioma na unda cu bo a bin pa un miho bida. Supuesto guianan mester educa nan mes miho.
Un Arubiano.
(Nomber conoci pa Redaccion).



Diamars 19 Mei. Di shete siman di Pasco di Resureccion aña 2026 Ciclo A

Calendario Liturgico

Lectura: Echonan 20,17-27;
Salmo: 68;
Evangelio: Huan 17,1-11;

”Pero mi no ta considera mi bida di ningun balor pa mi, loke tin balor pa mi ta, termina mi mision y e trabou cu mi a haya di Señor Hesus, esta predica e bon noticia tocante gracia di Dios.” Echonan 20,24

Den e lectura aki ta papia di e discurso conmovedor di e despedida di Pablo na e lidernan di Efese. E ta siña nos tocante e liderazgo cristian autentico cu ta biba cu humildad. Sirbi meymey di dificultadnan y pone na prome luga nos mision contra tur miedo of ‘apego’ na nos propio bida. Pablo no a sconde su lagrimanan ni su dificultadnan demostrando asina cu e liderazgo berdadero ta basa su mes den sirbishi no den poder. Tambe e ta destaca e balor di siña tur e consejo di Dios den publico y na e casnan sin pone e parti dificil pa complace hende kieren predica tur e berdad. Aunke cu Spirito Santo a adverti’e tocante sufrimento y prizon, Pablo a mantene su mes firme y cu curashi p’asina pone como prioridad pa completa su vocacion. Esaki ta invita nos pa reflexiona riba nos propio compromiso cu e Evangelio. E ta muestra nos pa mantene nos fiel den tempo di tribulacion y duna testimonio di nos fe, hasta ora e caminda ta hiba nos na sacrificio.

Oracion: Señor y mi Dios duna nos como lidernan di nos famia, trabou, grupo y comunidad pa cumpli cu nos mision sirbiendo den tur humildad, fiel, firme y dunando testimonio hasta na ora di tribulacion pa medio di Cristo nos Señor. Amen.

Grupo Centro Pastoral Aruba

Coreccion riba Sorteo di Weekend



RESULTADO DI SORTEONAN PA CORTESIA DI CADENA ALEXANDER

— Diasabra 16 Mei 2026
— Diadomingo 17 Mei 2026

 Diasabra 6399 9516 1398 Diadomingo 6594 8380 1167	 Diasabra 3512 0006 9639 Diadomingo 5424 8772 7024	 Diadomingo Anochi No tin sorteo (Proximo sorteo 31 Mei) SUPER 4 Diasabra 1030 Diadomingo 7119	 Diasabra Merdia 3266 7121 4525 FP Diasabra Anochi 1662 5849 6954 X3 Diadomingo Merdia 3779 3771 6254 X3	 Diasabra Merdia 4542 Geminis Diasabra Anochi 5404 Scorpio Diadomingo Merdia 3072 Leo	 Diasabra Merdia 613 X2 Diasabra Anochi 158 X2 Diadomingo Merdia 429 X5
 x2 4363 x2 0571 Diadomingo x3 7351	 Diasabra 1809 Diadomingo 0383	 Diasabra 07-17-19-28-30 Diadomingo 07-11-16-17-20			

ORANJESTAD (AAN): Debi na un eror di Diagramacion di DIARIO, e corant di Dialuna mainta a contene eror y a laga var-

ios sorteo afo. DIARIO ta ofrece su disculpa, y aki ta produci e resultado di num-bernan corecto di Diasabra y Diadomingo.



RESULTADO DI SORTEONAN PA CORTESIA DI CADENA ALEXANDER

DIALUNA 18 MEI 2026

DIARIO	KORSOU	GATOCHI	ZODIAC																						
7828 7109 2787	5504 7095 5514	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>2533</td> <td>2132</td> </tr> <tr> <td>3861</td> <td>3331</td> </tr> <tr> <td>3146</td> <td>2536</td> </tr> <tr> <th colspan="2">MULTI- X</th> </tr> <tr> <td>X2</td> <td>X5</td> </tr> </table>	MERDIA	ANOCHI	2533	2132	3861	3331	3146	2536	MULTI- X		X2	X5	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>3688</td> <td></td> </tr> <tr> <td>PISCIS</td> <td></td> </tr> <tr> <td>1859</td> <td></td> </tr> <tr> <td>ARIES</td> <td></td> </tr> </table>	MERDIA	ANOCHI	3688		PISCIS		1859		ARIES	
MERDIA	ANOCHI																								
2533	2132																								
3861	3331																								
3146	2536																								
MULTI- X																									
X2	X5																								
MERDIA	ANOCHI																								
3688																									
PISCIS																									
1859																									
ARIES																									
LOFF	LUCKY 3	BIG 4	SUPER 4																						
<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>7816</td> <td>9839</td> </tr> <tr> <td>X2</td> <td>X2</td> </tr> </table>	MERDIA	ANOCHI	7816	9839	X2	X2	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>730</td> <td>342</td> </tr> <tr> <td>X2</td> <td>X2</td> </tr> </table>	MERDIA	ANOCHI	730	342	X2	X2	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>1267</td> <td>7396</td> </tr> <tr> <td>X2</td> <td>X2</td> </tr> </table>	MERDIA	ANOCHI	1267	7396	X2	X2	2738				
MERDIA	ANOCHI																								
7816	9839																								
X2	X2																								
MERDIA	ANOCHI																								
730	342																								
X2	X2																								
MERDIA	ANOCHI																								
1267	7396																								
X2	X2																								
	08-09-17-24-29																								

BUSCA PALABRA

A	G	C	B	N	E	A	E	A	V	I	L
D	R	O	T	G	U	E	C	S	E	E	A
B	M	N	O	A	R	R	M	D	G	E	G
A	N	D	Y	M	M	E	B	R	G	C	U
C	M	I	O	A	H	G	A	E	I	A	H
O	E	M	B	U	R	R	D	D	E	R	C
N	H	E	I	G	U	U	K	I	B	N	E
I	E	N	C	U	M	B	E	L	U	I	L
B	R	T	B	R	U	M	T	S	R	D	U
I	C	O	S	K	S	A	C	G	G	U	G
H	C	T	G	E	T	H	H	B	E	V	N
S	O	P	E	N	A	G	U	M	R	B	B
E	G	E	T	C	R	U	P	R	D	R	G
K	A	A	C	P	D	U	I	R	U	U	V

Hamburger	Condimento	Carni	Ciboyo
Veggie Burger	Keshi	Bacon	Mustard
Augurken	Lechuga	Ketchup	Slider

> SUDOKU <

Conceptis Sudoku By Dave Green


7				4			8
	3			8		4	
		5	6			3	
6						5	
	7			1			9
		2					1
		6		5	2		
	5			9			7
8			3				9

Difficulty Level ★★★ 5/19

Bisti bo Seatbelt

Helicopter a yuda hisa turista Hulandes for di Christoffelberg na Corsou

WILLEMSTAD: Diadomingo mainta riba peticion di Polis di Corsou, Wardacosta di Caribe Hulandes a bay rescata un turista Hulandes femenino di 28 aña di edad, kende a resulta herida na su pia riba Christoffelberg. Debi na esaki e no por a cana mas. Wardacosta a dicidi na hisa



Hari Un Tiki

Juanchito a yega for di scol hopi rabia na cas. Su tata a puntre, ta kico a pasa. Juanchito a bisa: -"Mi a puntra mi juffrouw di Wiskunde, si mi lo bay uza e vak aki ora cu mi crece y bira grandi..." E tata a puntre e ora: -"Y kico bo juffrouw a bisa?" Juanchito cu cara tristo a bisa bek: -"El a bisa cu ami lo no uze den futuro, pero tur e muchanan sabi den klas si lo bay uz'e."

Solucion Anterior

4	8	6	7	3	1	5	2	9
7	5	2	9	6	4	3	8	1
1	9	3	8	5	2	6	7	4
5	3	4	1	2	7	8	9	6
2	1	9	5	8	6	4	3	7
6	7	8	4	9	3	1	5	2
8	2	1	6	7	5	9	4	3
3	6	5	2	4	9	7	1	8
9	4	7	3	1	8	2	6	5

Difficulty Level ★★★ 5/18

EMERGENCIA NA ARUBA

Diamars 19 Mei 2026

DOCTER NA WARDA

SAN NICOLAS:
Pa San Nicolas, Docter lo ta na H.A.P. ImSan.
Dokter tey for di 6'or di anochi te 10'or di anochi.

ORANJESTAD:
Pa Oranjestad, Docter lo ta na Huisartsenpost H.A.P. na Hospital. Dokter tey di 6:30 pm te cu 10:30 pm.

BOTICA NA WARDA

PARIBA DI BRUG:
Botica 4 Centro Medico Bernhardstraat 55
Telefon 584-5794

PABAO DI BRUG:
Botica Eagle
Caya Punta Brabo 17
Telefon 587-9011

Loke Tempo ta Mustra....



•• Tempo ta keda seco awe tambe, y concentracion basta modera di stof di Sahara ta sigui mantene visibilidad reduci. Biento lo ta djis un tiki menos fuerte e dianan aki.

•• Biento di Pariba modera entre 20 y 39 km/h, tin biaha cu rafaga duro te 61 km/h. Ola modera te bruto entre 4 y 8 pia.



e dama herida den brancard cu cabuya, manera por mira riba e potret aki. Asina a hibe pa Aeropuerto di Hato, unda Ambulans a bay cu ne pa Curacao Medical Center.

ALMANAC



Bahada y salida di solo na Aruba

—19 Mei 2026
Solo ta baha: 6:59 p.m.
—20 Mei 2026
Solo ta sali: 6:15 a.m.
Solo ta baha: 6:59 p.m.
—21 Mei 2026
Solo ta sali: 6:14 a.m.
Solo ta baha: 6:59 p.m.



Lista di Crusero di bishita na Aruba

—Diamars 19 Mei 2026:
Adventure of the Seas: (07:00 - 23:00)
Grandeur of the Seas: (08:00 - 23:00)
—Diaranson 20 Mei 2026:
Allure of the Seas: (07:00 - 16:00)
Carnival Vista: (07:00 - 16:00)
—Diahuebs 21 Mei 2026:
Carnival Venezia: (09:00 - 22:00)
—Diamars 26 Mei 2026:
Carnival Horizon: (08:00 - 22:00)
Grandeur of the Seas: (08:00 - 23:00)
—Diamars 2 Juni 2026:
Grandeur of the Seas:

Bo mester di un hende pa Scucha bo ??



Tel: 583-1190
Anonimo y Confidencial

Palabra di pabien na tur Dokter di Cas riba nan dia

ORANJESTAD (AAN): Awe 19 di Mei, mundo ta conmemora Dia Mundial di Dokter di Cas (World Family Doctor Day). E celebracion aki a cuminsa na aña 2010 riba iniciativa di World Organization of Family Doctors (WONCA), un organizacion internacional cu ta representa dokternan di cas rond mundo. Meta principal di e dia special aki ta pa reconoce e papel importante cu dokternan di cas ta hunta den salud y bienestar di



comunidadnan.

Dokter di cas hopi biaha ta e prome persona cu un hende ta bishita ora tin

problema di salud. No solamente nan ta trata enfermedad, pero tambe ta guia, conseha y compania pash-

entnan den diferente etapa di bida.

Na Aruba, nos tin motibo pa ta profundamente agradeci cu tur nos dokternan di cas. Cu dedicacion, amor pa profesion y compromiso, nan ta traha diariamente pa cuida salubridad di nos pueblo. Durante momentonan dificil y tambe den cuida diario, nan ta brinda sosten, speranza y atencion humano na cada pashent.

DIARIO ta tuma e oportunidad aki pa felicita tur

dokter di cas riba nan dia special. Nos ta expresa nos gratitud sincero pa e trabao balioso cu nan ta haci cada dia pa bienestar di Aruba.

Tambe nos ta reconoce y felicita tur asistente medico, enfermeronan, recepcionistanan y tur empleado cu ta traha hunto cu dokternan di cas. Salud di comunidad ta posibel danki na e esfuerso conhunto di hopi profesional dedica. Danki pa boso servicio, boso entrega y boso curason grandi pa cuida otro.

KPA a ricibi un integrante nobo

Cuerpo Policial Aruba a duna bon bini na K9 Carla



ORANJESTAD (AAN): Recientemente Cuerpo Policial Aruba a ricibi un integrante nobo y valioso pa Unidad di K-9. Ta trata di e cacho policial yama 'Carla'.

Carla ta un donacion di e organisacion cu ta hiba e nomber di Irondog K9 International. Carla ta e di tres cacho cu KPA ta ricibi di e organisacion di Irondog. Esaki ta fortalece relacion di hopi aña cu Irondog tin cu Cuerpo Policial Aruba. E meta principal ta

ternational ta bay mas leu cu solamente un donacion di cachonan.

Den pasado a sa di brinda sosten fundamental na Cuerpo Policial Aruba pa medio di donacion di vest, banchi, oranan di entrenamiento tambe seminarionan importante na Merca cu nos propio agentenan tabata tin oportunidad di atende, cu



pa garantisa y eleva e seguridad di nos dushi isla. E relacion cu Irondog K9 In-

ta danki na Irondog K9 International.

E entrega oficial y presentacion a tuma lugar den presencia di e CEO y fundador Charlie Nash y CFO sra. Mitzi Nash hunto cu personal di Unidad di K9 incluyendo altocomisario Ramon Arnhem. Altocomisario na su turno a sa di expresa su gratitud na Irondog K9 International pa nan donacion y aporte pa kere den e capacidad di



Unidad di K-9 di Cuerpo Policial Aruba.

K9 Carla tambe a haya varios regalo for di altocomisario Arnhem mirando cu Carla a caba di cumpli aña. Carla a mostra

su agradecimento y a keda masha contento mes. Cuerpo Policial Aruba ta yama un bonbini na e integrante nobo K9 Carla y sa cu e ta cla pa aporta na e seguridad di comunidad.



DEPORTE INTERNACIONAL

Xabi Alonso ta e manager nobo di Chelsea cu un contract di cuatro aña



Ta spera cu Xabi Alonso lo guia Chelsea bek na e elite di e clubnan Europeo.

E ex-entrenador di Real Madrid a firma un contract di cuatro aña cu garantia cu lo dun'e placa pa inverti den firmanan di alto perfil y lo tin palabra den transferencianan. Chelsea a dun'e e titulo di "manager" na lugar di coach debi na su prestigio den futbol, pero tambe pasobra e lo tin mas autoridad dentro di e estructura di e club.

Increiblemente, Alonso ta e di seis entrenador di Chelsea den e era di Behdad Eghbali y Todd Boehly, despues di Thomas Tuchel, Graham Potter,

Mauricio Pochettino, Enzo Maresca y Liam Rosenior. E directiva ta admiti cu e temporada aki a cay bou di e normanan y awor ta enfrenta e posibilidad real di no ta den competencianan europeo otro aña despues di perde e final di FA Cup contra Manchester City y cay den e tabla di Premier League.

Pero despues cu Eghbali y Boehly a purba di implementa un modelo diferente — cumpra y bende hungadonan jong na lugar di firma streanan estableci — awo nan lo duna Alonso un rol clave den decisionnan di transferencia.

Marcus Rashford lo acepta un contrato di 5 aña cu Barcelona pa finaliza su transferencia

Segun informe, Marcus Rashford ta cla pa sigura su transferencia pa Barcelona. E delantero di Manchester United, cu a pasa e temporada 2025-26 den prestamo na Camp Nou, kier keda na Cataluña mas leu cu zomer.

Aunke cu Barcelona y United tin algun luna den combersacion, e dos bandanan ainda no a yega na un acuerdo, loke ta laga Rashford su futuro insigur. United ta keda firme den su baloracion di \$35 milyon (€30 milyon) pa e hungador, un cifra cu e club Spaño no ta dispuesto pa paga.

Sinembargo, awor ta informa cu Rashford ta prepara pa yuda finalisa e tras-paso. Segun e media spaño Mundo Deportivo, e ingles a yega na un acuerdo en principio pa un contract di tres aña cu Barcelona, cu lo encera un reduccion di 40% den su salario for di Old Trafford.

Sinembargo, mirando e negociacionnan, e ta prepara



awo pa bandona e proposicion aki y na lugar di esey, e lo firma un contrato di cinco aña, ya cu e lo ta e 'unico opcion' pa haci e acuerdo financieramente viabel pa e club.

E limitacionnan financiero bon conoci di Barcelona ta complica e negociacionnan, ya cu e club ta prefera un otro prestamo na un transferencia permanente. E problema ta sinta den con e cifra di \$35 milyon lo wordo reparti riba e

contrato di Rashford, impactando e contabilidad y balansa di e club.

Sinembargo, United no ta dispuesto pa aproba un otro fianza y indica cu Rashford mester bay permanentemente oòf no at all. Como resultado, e extende e acuerdo na cinco aña lo permiti Barcelona pa reparti e tarifa di transferencia riba un periodo mas largo y reduci nan peso financiero anual.

Steelers ta bolbe firma Aaron Rodgers, di 42 aña, pa un otro temporada



CHICAGO: Pittsburgh Steelers a anuncia dialuna e renobacion di e contract di e quarterback Aaron Rodgers, di 42 aña, pa un temporada y un suma calcula di 25 milyon dollar.

Rodgers, kende tin 66.274 yarda di pasa, 527 touchdown, y cuater premio di MVP den su 21 temporada di NFL, lo hunga su di dos

temporada na Pittsburgh. E quarterback Californiaño a tira pa 3.222 yarda, 24 touchdown, y solamente siete intercepcion na 2015, ora e tabata capitán di Steelers.

Rodgers a yega Pittsburgh na 2015 como un agente liber despues di un periodo decepcionante cu New York Jets.

F1: McLaren a pidi FIA pa "elimina cualkier tipo di aliansa" entre ekiponan meymey di rumornan entre Alpine y Mercedes

CEO di McLaren, Zak Brown, a tuma un paso decisivo den su campaña pa limita e colaboracion entre ekiponan di Formula 1 mandando un carta formal pa presidente di FIA, Mohammed Ben Sulayem, pidiendo cambian urgente na e reglamentonan pa "elimina cualkier tipo di aliansa" entre ekiponan. E carta ta adverti, for di e perspectiva di un di e figuranan clave di e ekipo, cu permiti asociacionnan, propiedad cruza, of formanan di control indirecto ta pone na peliger e husticia y integridad di e campeonato, specialmente na un momento cu F1 a logra consolidacion economico



y e obhetivo central ta competencia husto. E debate a bolbe lanta segun cu Mercedes ta explora un inversion potencial den Alpine, un medida cu ta intensifica preguntanan existente tocante aliansa. Sin menciona explicitamente e Silver Arrows y e ekipo cu e piloto argentino Franco Colapinto, Brown

a argumenta den su carta cu mantene lasonan structural entre ekiponan ta perjudicial pa ekiponan independiente. E ta sostiene cu, siguiendo medidanan implementa pa Liberty Media y FIA pa garantiza e sostenibilidad di 11 ekipo bao di control di gasto, e aliansanan aki no ta hustifica mas.

Noticia Internacional

Donald Trump a bisa cu el a cancela un atake riba Iran cu tabata planea pa diamars: “E negociacionnan ta serio”

Presidente di Merca Donald Trump a bisa cu el a cancela un atake planea riba Iran diamars riba urgencia di e lidernan di Qatar, Arabia Saudita y Emiratonan Arabe Uni.

E presidente republicano a bisa cu el a tuma e decision pa motibo di e progreso den e negociacionnan cu Teheran pa yega na un acuerdo di paz.

“E Emir di Qatar, Tamim bin Hamad Al Thani, e Prins Heredero di Arabia Saudita, Mohammed bin Salman Al Saud, y e Presidente di Emiratonan Arabe Uni, Mohamed bin Zayed Al Nahyan, a pidi mi pa pospone nos atake militar planea contra e Republica Islamico di Iran, programa pa mañan, ya cu negociacionnan serio ta tumando lugha, den nan opinion, y



den opinion di tur lider grandi lo yega na un acuerdo cu lo ta hopi aceptabel pa Merca, y tambe pa tur pais den Medio Oriente y mas leu,” Trump a declara riba su medionan social. E mandatario a agrega: “E acuerdo aki lo inclui, y esaki ta crucial, un prohibicion di armanan nuclear pa Iran! A base di e respet cu mi tin pa e lidernan mencionada ariba, mi a instrui

Secretario di Guerra Pete Hegseth, Presidente di e Hefenan di Estado Mayor Conhunto General Daniel Caine, y e Forsanan Arma di Merca cu nos lo NO realisa e atake planea contra Iran, pero mi a instrui nan mas aleu pa ta prepara pa sigui cu un atake na escala completo contra Iran na cualkier momento si no yega na un acuerdo aceptabel.”

Venezuela y Merca a evalua plannan pa reconstrui un red di coriente “confiabel” den e pais Sur Americano



E encargado di asuntonan di Merca na Venezuela, John Barrett, a reuni cu e minister Venezolano di Energia Eléctrico Rolando Alcalá pa discuti e reconstruccion di e red electrico di e pais.

Segun e Embahada Mericano na Caracas, Barrett a indica cu e plan di tres fase di administracion di presidente Donald Trump pa Venezuela ta priorisa restauracion di “un suministro di energia confiabel” a traves di e “experticio, inversion y colaboracion”

di Washington.

E mision diplomatico a comparti un potret di e reunion, sin detaya e contenido di e combersacion of e pasonan specifico pa reconstruccion di e sistema. E reunion ta tuma lugá meimei di kehonan ripiti riba medionan social tocante interrupcionnan prolonga di coriente den diferente region di e pais. Siman pasa, e opositor Henrique Capriles a informa riba e red social X tocante “fuerte fluctuacionnan electrico” na Ca-

racas, Miranda, Carabobo, Anzoátegui y Táchira. Capriles a declara cu “tur dia, ciudadnan completo ta pasa entre seis y ocho ora sin coriente, negoshinan ta paralisa, fabricanan ta cera, ekipo ta dañá, y miles di Venezolano ta luchando pa haya trabou.”

El a agrega cu sin coriente no tin produccion, empleo, inversion ni calidad di bida, y a puntra riba e plan pa reverse e situacion den e sector di coriente.

E presidente interino di Venezuela, Delcy Rodríguez, a reuni cu gobernantenan diabierna ultimo pa evalua e funcionamiento di e sistema nacional di coriente, un dia despues cu autoridadnan a informa di un “aumento den demanda” pa e servicio.

INTERNACIONAL NOTICIA FOR DI COLOMBIA

MUCHA CHIKITO A MURI ORA DI CAY FOR DI PISO 15 BOGOTA: Un mucha di 5 aña di edad, a muri den pueblo di Fontibón na Bogota, despues di a cay di Piso



15 di un edificio residencial. Autoridadnan a cuminsa cu un investigacion pa haya sa loke exactamente a socede den e caso. Hefe di Proteccion y Servicio Special di Polis Metropolitano di Bogota, Norberto

Caro, a declara cu e prome indicacion ta cu e mucha tabata hunto cu un su ruman muhe chikito, y tur dos tabata hungando riba balcon sin supervision, ora cu el a cay di halto. E caida tabatin impacto fuerte cu a ocasiona morto inmediato di e criatura. Autoridadnan a bisa cu e mucha muhe di 4 aña, awor ta den poder di autoridad administrativo pa e proceso di restablece derecho, mientras cu ta interrogando e mayornan pa asina haya sa di con tur esaki a socede.

SPAÑA TA DEPORTA COLOMBIANO CU MATA PUSHI



BOGOTA: Cancilleria di Colombia a confirma cu Husticia na Spaña a dicidi na expulsa un detenido cu a caba di wordo sentencia na 1 aña di prison na e pais Europeo. Ta trata di e acusado Andrés Camilo C.P. di



29 aña di nacionalidad Colombiano, ken- de na April 2026 a pasa man pa un palo di basora, y tambe cu yen di scop a mata e pushi 'Nala' y despues lag'e sin bida riba caya. E pushi ta e mascota chikito di su ex-pareha, y cu el a mata djis pa haci mas daño posibel. Hues na Spaña awor a dicidi na deporte bek pa Colombia, pues e deportacion lo substitui e castigo di prison. Ademas ta prohibi Andrés pa 5 aña largo e no por drenta na ningun pais di Union Europeo (incluyendo islanan den Caribe), y e tin di paga daño y perjuicio di 1.000 Euro na su ex-pareha. E caso a haya hopi atencion despues cu protestanan di centenares di hende a start na Spaña pa gruponan na defensa di animalnan. E protestanan bao nomber di 'Justicia para Nala' kier a musta e violencia unda e homber djis kier a ocasiona dolor sicológico na un ex-ser keri di dje. Awor na Spaña, e gruponan aki ta pidi pa pueblo Colombiano duna e Andrés aki su merecido tambe ora e yega e pais bek.

Noticia Internacional

Elon Musk ta perde demanda contra OpenAI



Un hurado Mericano a dicta sentencia contra Elon Musk dialuna den su demanda contra OpenAI, constatando cu e compania di inteligencia artificial no ta responsabel pa e persona mas rico di mundo pa supuestamente desvia di su mision original pa beneficiar humanidad.

Den un veredicto unanime, e hurado den Corte federal na Oakland, California, a declara cu Musk a presentata su caso hopi laat.

E proceso a cuminsa dia 28 di april. El a wordo considera ampliamente

un momento crucial pa e futuro di OpenAI y AI en general, tanto pa loke ta trata con e mester wordo uza como ken e mester beneficia, incluso den e esfera financiero.

Hende ta uza inteligencia artificial pa incontable proposito, incluyendo educacion, reconocimiento facial, conseho financiero, periodismo, investigacion huridico, diagnosisnan medico, y deepfakes dañino. Hopi hende ta expresa desconfianza den e tecnologia y tin miedo cu e por desplaza hende for di nan

trabou.

E veredicto a bin despues di 11 dia di testimonio y argumentonan den cual e credibilidad di Musk y Altman tabata sometida na atakenan ripiti. Cada banda a acusa e otro di ta mas interesa den placa cu den sirbi publico.

Den su argumento di clausura, e abogado di Musk, Steven Molo, a recorda e hurado cu varios testigo a cuestiona e sinceridad di Altman of a yam'e un mentiroso, y cu Musk no a duna un "sí" resonante ora a puntr'e durante e huicio si e tabata completamente di confianza. Musk a acusa OpenAI di ta purba di enriquece inhumane inversionistanan y insiders na costo di e organizacion sin fin di lucrativo, y di no ta priorisa seguridad di inteligencia artificial. Tambe el a sostene cu Microsoft tabata sa for di culminamento cu OpenAI tabata preocupa mas cu placa cu altruismo.

Ukraine a responde na bombardeo ruso cu su atake di mas grandi riba Moscu



Moscu tabata e escena di e atake mas grandi di drone Ukraniano den e ultimo añanan, cu mas di 500 aparato lansa den oranan di madruga di diadomingo,

segun autoridadnan local. E Ministerio di Defensa Ruso a bisa riba e plataforma di medionan social Max cu "servicionan di defensa aereo a intercepta

y destrui 556 drone for di Ukraine" riba 14 region Ruso, y tambe riba Crimea anexa y Laman Preto y Azov.

Presidente di Ukraine, Volodymyr Zelensky a hustifica e ofensiva como un intento pa forsa Rusia pa stop e guerra. E capital ruso tin un red di sistemanan di defensa aereo di capa cu practicamente ta blokia cualkier menasa aereo, pero varios drone a logra penetra esaki, matando por lo menos tres civil y heridando 16 otro na Moscu y region rond di dje, segun autoridadnan ruso.

NOTICIA FOR DI VENEZUELA

COMPANIA CEMENT TA REGRESANDO VENEZUELA

CARACAS: E compania multinacional di Colombia, esta 'Cementos Argos' a reactiva su relacion comercial



cu Venezuela y tin pensa di exporta 5.000 ton pa luna di cement pa mercado Venezolano pa final di 2026, segun e compania a divulga durante recien declaracion cu inversionistanan. E

compania cu tabata e ultimo doño priva di e fabrica di Cemento Andino na estado Trujillo prome cu el wordo expropia na 2007, ta pensa cu Venezuela ta un mercado cu 'potencial grandi riba plazo largo', impulsa pa e reactivacion economico y e necesidadnan di infraestructura. Segun gerencia di Cementos Argos, e empresa ya caba tin "contact comercial activo" cu Venezuela y ta bayendo pa nan meta di exporta via un strategia di escalamento di capital abao, apoya pa su red logistico y alianzanan di distribucion. E compania ainda tin caso den Corte pendiente pa e expropiacion di su pertenencianan sin compensacion, cual segun nan, e situacion lo por yuda nan tin un presencia mas solido na Venezuela asina cu e panorama y economia Venezolano ta evoluciona.

CUATRO MUCHA CHIKITO A HOGA DEN UN LAGUN



MATURIN: Riba Diasabra e noticia tristo a drenta cu cuatro mucha a hoga den un lagun na comunidad di Manuelita Sáenz di pueblo San Jaime, na Maturin, na estado Monagas. Ta diferente unidad di Polis, personal di Rescate y Proteccion Civil a acudi na e lugar ora cu a drenta informacion cu e muchanan chikito a desaparece den e lagun.



Autoridadnan a indica cu tres di e victimanan tabata e rumannan Luisana Peña di 11 año, Leonardo Peña di 12 año, y Oscar Peña di 8 año, kendenan ta procedente di Anaco, na estado Anzoategui y tabata na e ciudad ta bishitando famianan. E di cuatro mucha, Davián Pereira di 11 año, ta biba na San Jaime. E muchanan tabata bao vigilancia di un wela, ora cu e tragedia a socede. Na comienzo ta tres mucha den awa a haya problema, y mirando esaki, e ora Leonardo Peña di 12 año na forma di heroe a trata di bay salba su rumannan y e otro mucha, pero aunke el a haci su intento balente di yuda nan, e tambe a wordo lastra pa e coriente fuerte y a hoga hunto cu nan. Unidadnan di Bombero a yega, kendenan a bay haci trabao intenso di localisa y saca e curpanan. Detectivenan di Polis di Cicpc a cuminsa cu investigacion y a bay cu e restonan mortal.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu dolor na nos curason, nos ta participa fayecimento di nos ser stima:



Sra. Wilhelmina Tromp Tromp
Cariñosamente yama "Wele of Tante Mina"
***09-10-1936 - †10-05-2026**

Na number di su:
Casa: †Francisco Tromp
Yiu: Gerard "Herry" Tromp
Nieto: Gerard Tromp
Mama di su nieto:
Vivian Stamper y Carlos Alberto Carvajal
Rumanann na Aruba y Venezuela:
†Albert y †Viola Figaroa y famia
†Carmen y †Rosendo Tromp y famia
†Teresita y †Pablo Tromp y famia
†Fortunata y †Dominico Tromp y famia
Regina y †Thomas Quandus y famia
†Thomasita y †Frans Kelly y famia
Elvira Orman y famia
Arcadio y Victorina Lopez y famia
Sua y cuñanan:
†Nicolaas y †Foustina Tromp y famia
†Isencia y †Miano Martis y famia
†Monica y †Hacobo Ridderstaat y famia
†Germito y Prentacion Tromp y famia
†Vicente y †Hertocida Tromp y famia
†Simon y †Maria Tromp y famia
†Marcolino y Wanita Tromp y fami
†Dominico y †Fortunata Tromp y famia
†Egidio y Jacinta Tromp y famia
†Veronica Tromp
†Irena y †Herry Koolman y famia
Ihanan, bisinanan.
Señoranan cu a yuda cuide: Tea y Vivian
Dokter Correa y assistentnan
Dokter Casares y wondenpoli
Demas famia: Tromp, Figaroa, Ridderstaat, Giel, Frank, Kelly, Gomez, Lopez, Quandus, Jansen, Gavidia, Rosa, Wever, Semeleer, Eckmeyer, Krozendijk, van der Biest, Wolf, Faro, Hoek, Jacobs, Hoo, de Cuba, Cristiaans, Lobbrecht, Stamper, Webb.

Ta invita famia, conocirnan y bisinanan pa asisti na acto di entierro caul lo tuma lugar diamars 19 mei 2026 pa 4or di atardi saliendo for di Misa Santa Anna pa Santana Catolico na Noord. E resto mortal lo ta reposa for di 2or di atardi den Misa Santa Anna na Noord

Nos ta lamenta cu despues di entierro nos no por ricibi bishita di condolencia na cas.
Nos kier pidi disculpa si nos por a lubida un of otro famia den nos tristesa.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Acepta tur cos di e mannan di Dios
Ofrece na dje tur cos cu Amor y Gradicimento
Pa asina nos por drenta Paraiso
-Padre Pio -

Cu inmenso tristesa na nos curason, nos ta anuncia fayecimento di nos ser stima:



Alsida Croes-Werleman
Mihor conoci como 'Chida' of 'Mama Chida'
28-08-1938 - 12-05-2026

Viuda di: †Theofilo M. Efrain Croes
Mama y Tata: †Vicente Werleman y †Angelica Werleman-Croes

Na number di su:
Juinan: Louise Rafaël-Croes y Efrain 'Frany' Rafaël
Gregory Croes y Milena Croes-Herrera Moran
Adeline Croes y John Croes
Nieto & Nietanan Stima: Francine Rafaël y Brandon van Gijn
Lousette Rafaël y Ritchie Thiel
Denise Rafaël
Jeremy Croes
Jarod Croes y Dishana Croes
Bisnietanan Stima: Lea Thiel
Cedella Croes
Mescos cu jui: Dolores 'Titi' Machado
Thairine Becker
Rumanann:
†Jantje Werleman y †Chichia Werleman-Croes y famia
†Louisa Werleman y †Nai Werleman y famia
†Jacintha 'Chichi' Croes-Werleman y †Fanfa Croes y famia
†Dominico 'Coco' Werleman y †Nicolina Werleman-Croes y famia
y †Hilda Werleman-Lopez y famia
†Rosimbo 'Chimbo' Werleman y Rina Werleman-Kock y famia
Juan 'Roly' Werleman y Rosly Werleman-Croes y famia
Fortunato 'Catey' Werleman y Keta Werleman-Croes y famia
Swa y Cuñanan: †Didi Lopez-Croes y †Bibi Lopez y famia
†Chichia Werleman-Croes y †Jantje Werleman y famia
†Addison Croes y Josefa Croes-Webb y famia
†Armando y †Betty Croes-Dubero y famia
†Ada Croes y Maiky Croes y famia
†Betico Croes y Glenda Croes y famia
†Aiky Croes y Elsa Croes-Tromp y famia
Hendrick Croes y Mechy Croes-Garrido y famia
†Mary Henriquez-Croes y †Norman Henriquez y famia
†Rudy Croes y Damia Croes-Arends y famia
†Tommy Croes y Frida Croes-Luidens y famia
Sobrinu y sobrinanan stima: Ruben Werleman, Wina Croes-Werleman, Lily Thode-Werleman, Ricardo Werleman, Ika Lopez-Werleman, Anna Lee-Werleman, Buchi Werleman, Dolores "Titi" Machado-Werleman, Rochi Werleman, Leo Werleman, Enrita Schadlich-Werleman, Lia Lopez, Enriq Werleman, †Rodney Werleman, Angelo Werleman, Lindell Croes-Werleman, Anthony Werleman, Cedric Werleman, Juliette Werleman, Randolph Werleman, Aldrick Werleman y Alan Werleman, Viveca Visser-Lopez, Rudney Lopez, Suzette Croes, Angelique Isebia-Croes, Erin Croes, Addonsito Croes, Paul Croes, Gladiola Kock-Croes, Armando Croes, Ricky Croes, Marian Tujeehut-Croes, Ludwina Croes, Jeanine Croes, Maikito Croes, †Hildward Croes, Franklin Croes, Aldrick Croes, Gisette Croes, Glenbert Croes, Gilberto Jr. Croes, Glendeline Croes, Shahaira Croes, Edward Croes, Evelyn Wever-Croes, †Eduardo Croes, Irene Croes, Norman Henriquez, Mary-Ann Henriquez, Dione Croes, Reñ Croes, Betto Croes, Ofo Croes, Gilbert Croes, TJ Croes y Pancho Croes.
Mihor amiganan: Bencha Wever
Liana Willems
Femy Muyale
Consuegro y Consuegranan:
†Julio "Yuyu" y †Maria "Mama Chichi" Rafaël-Ras
†Ulpiano "Papa Mulato" Herrera y Narcisa "Mama Nacha" Moran
Valentino "Vale" y Mathilda "Margo" Croes-Vrolijk
Su bon bisinanan: Shonlita Geerman
Dina Geerman
Mena Geerman
Demás bisinanan
Ayudantenan di cas: Maria Ines "Mari" Ochoa Sanchez
Maria Isabel Ramirez
Primo y primanan Stima, y demás conocirnan.
Diferente Koornan y Gruponan di Oracion, Grupo Walishali y demás gruponan social cu el a forma parti di dje.
Demas famianan: Croes, Lopez, Werleman, Rafaël, Van Gijn, Thiel, Herrera-Moran, Webb, Henriquez, Garrido, Dubero, Tromp, Arends, Luidens, Paesch, Kock, Visser, Thode, Isebia, Tujeehut, Wever, Martinez, Lee, Machado, Schadlich, Correa de Andrade, Everon, Geerman y demás familiaresnan.

Ta invita tur hende pa e acto di entierro cual lo tuma lugar Diamars 19 di Mei 2026 pa 4or di atardi saliendo di Misa Immaculada Concepcion pa Santana De Vries na Santa Cruz. E restonan mortal lo ta reposa for di 1or di merdia na Misa Immaculada na Santa Cruz.

Ta pidi disculpa si pa motibo di tristesa por a lubida un miembro di famia, tambe después di condolencia no ta ricibi bishita na cas.

Liliana Rasmijn, RP di KPA:
KPA y Ministerio Publico ta trahando hunto riba deteccin di arma di candela ilegal



ORANJESTAD (AAN) Liliana Rasmijn, Relacionista Publico di Cuerpo Policial, a sigui splica den entrevista cu Matutino DIARIO, cu tin caso di persona 18 luna cera, como portador di arma di candela ilegal, y KPA ta purba target e hobennan pasobra nan ta Aruba su futuro, y nan ta duna nan un chens mas. Nan ta mara na e parti di Reclassering, pa ora nan sinta nan castigo nan ta haya chens di bin bek den comunidad.

"Nos ta haci un apelacion un biaha mas. E no ta un tema popular, pero uno cu hopi hende no kier papia di dje, pero bo ta wak na e tips cu ta bin na 111-41 con nos ta yega na personanan cu tin arma di candela. Siman pasa, manera por a wak, nos tabata tin detencion, na unda den menos di un siman ya tabata tin un sentencia di dos luna caba. Y corda bon, e tabata pa dos arma di candela. Pero el a cay den e parti di hoben, Pesey e castigo tabata un tiki mas abao", Rasmijn a indica.

El a añadi cu nan ta un proyecto unda cu diferente persona di diferente departamento ta traha hunto, tanto di KPA y di Ministerio Publico, na unda nan ta traha duro pasobra nan sa kico ta e consecuencia di carga un arma di candela ilegal.

"Pues, mi ta haci un apelacion un biaha mas. Bo tin te dia 24 di Mei pa deposita sea e arma di candela, e por ta un pieza, e por ta un municion, bo ta keda anonimo", Vocero Policial Liliana Rasmijn a reitera.

Pa chica Pos - Habri tubería y wc.
Servicio lihe y confiablel.
Experiencia ta manda
CICLONE
Septic Tank Service
Tel: 564-0607 / 734-0607

TA FURA
ELMA UPHOLSTERY
Matras, box busca mainta y
haye atardi! Set di sala, tv
chair, sienta auto.
Tel: 565-5577
Macapruimstraat # 1L

CONSTRUCCION
REMODELACION
Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construcccion di cas
y apto bon prijs. Free quotation.
Tel: 561-2137

TA CUMPRO
* Holoshi antigua y
moderno.
* Articulanon antigua.
Tel: 744-9995

ASSOCIATED REALTORS
TERENO PA BENDE?
Bo tin pensa di vende bo
tereno?
Anto laga nos atende cu tur e
tramitenan di benta via notario.
Yama na 593-6318.

TA CHAPI
Chapi, haci cura limpi, corta
tur sorto di mata, tira yerba,
hasi coco limpi, hardineria pa
luna of quincena, irigacion.
Hiba sushi na dump.
CEL: 564-0703 BON PRIJS

GRATIS
Auto bieu den cura? Nos ta
pikje pornada. Airco y bateria
tambe. Frigidaire, stoof,
wasmachine, dryer etc. ta 25,-
p/un. Yama nos na 561-4297
of 561-5179. Arubiano balente.

SERVICES GARDENS
Maintenance by the month
and by week, trim all tree big
or small, with experience
since 2006.
We take all to Ecotech.
CALL ANYTIME 593-8852.

TA HUUR
Apartamento na Dakota.
Awa y coriente apart.
Prijs Afl.950,-.
Cel: 594-0609

Mercado Reparacion y Servicio
Nos ta drecha
Wasmachine, Frigidaire,
Cooler, Dryer, Stoof, Forno.
Tur tipo di split-unit y window.
ALEX MERCADO! Any time
Cel: 567-0580

DIARIO
Pa noticia, cumpleaños,
comentario, redaccion:
noticia@diario.aw
Tel: 582-6747

El a wordo rescata Diadomingo cu helicopter Turista Canades a pasa henter Diasabra anochi y madrugada perdi den mondi na Corsou



WILLEMSTAD: Tabata
Diasabra 16 di Mei, cu Cen-
tro MOC di Wardacosta di
Caribe Hulandes a ricibi via
Polis di Corsou e informe
cu tin un turista Canades fe-
menino di 70 aña perdi.

E dama adulto mayor aki a
bay cana den mondi di Seru
Biento na Banda Abao, y
no a regresa. Su casa cu ta
un turista Canades tambe,
a bati alarma na Polis riba
Diasabra atardi, y mesora

diferente patruya di Polis y
demas personal di rescate a
bay yuda den buskeda.

Asina a laga e Helicopter
di Wardacosta lanta vuelo
pa asina yuda cu buskeda
den e area. Despues e avi-
on Dash-8 di Wardacosta
tambe a lanta vuelo pa yuda
busca for di halto uzando
ekiponan sofisticada.

Te den oranan di anochi
a sigui cu buskeda intensivo
pa e señora perdi.

Diadomingo mainta, hasta
prome cu solo a sali, e ac-
cion di buskeda a sigui cu
yudansa un biaha mas cu
Helicopter di Wardacosta.

E mainta ey, nan a logra

localiza e señora den vecin-
dario di Lagun. Nan a di-
cidi na his'e via cabuya pa
bay abordo di e Helicopter,
y asina a bay cu ne rumbo
pa Aeropuerto di Hato,
unda personal di Ambulans
a dune un revision, check
tur señal vital, y a nota cu
aunke el a pasa henter atar-
di, anochi y madrugada perdi,

e ta den bon condicion.

Despues tanto e señora y
su casa a wordo hiba bek pa
nan lugar di hospedahe.

E situacion aki ta mustra
cu ora tin un bon coopera-
cion y comunicacion entre
tur instancia esencial, e ta
produci resultadonan posi-
tivo durante misionnan di
rescate.

Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

**"Señor ta mi wardador, mi'n tin falta di nada. Den
cunucu di yerba berde e ta ponemi sosega. E ta
hibami na awa trankil, pa mi bolbe
haña forsa".**
Salmo: 23

Esposa, yiunan, nietonan y rumanan
ta anuncia fayecimento di:

Sr. Hynish A. de Jongh
Mihor conoci como "Arthur"
***04-05-1948 - †12-05-2026**



Mayornan: †Angelica Williams
†Edward de Jongh

Na number di su:

Casa: Edseline de Jongh-Evertsz

Yiunan: Leonardo de Jongh y famia
Genevieve de Jongh
Journard de Jongh

Rumannan:

Lloyd de Jongh
Diana de Jongh
†Helen de Jongh
Coleta de Jongh-de Pool y Egito de Pool y famia
Roxanne de Jongh y Jasper

Subrinanan: Chantal de Jongh

Christel Perdue y famia
Oliver de Jongh y famia
Irvin de Jongh
Dulcinela de Jongh y famia
Marilou de Jongh y famia

Primanan: Taffy de Jongh y famia
Giana de Jongh

Nietonan: Leegiomar de Jongh
Leeshon de Jongh
Leeshiana de Jongh

Cuñanan y sua: Vivian Ortege y famia
Wendell Evertsz y famia
Ruthmila y famia
Rosetti van der Wal y famia


Tur amigo(a)nan di corsow y Aruba.

Tur su ex coleganan aki na Aruba.

Demas famia: de Jongh, Buckley, de Pool, James,
Nielsen, Roosburg, Ortega, Gurley.

**Ta invita pa acto di entierro cual lo tuma lugar na
Aurora Funeral Home diahuebs 21 di mei 2026 di 2or
pa 4or di atardi. Despues lo sali pa Santana Central
Sabana Basora.**

Nos disculpa si den nos tristesa nos por a lubida algun
famia of conocir



STICHTING VOOR VOLKSHYGIENE VAN
Het Wit Gele Kruis Aruba
Sinds 1959 ten dienste van de Arubaanse gemeenschap
Postbus 488, Oranjestad

Cu inmenso tristeza na nos curazon, directiva,
staff y personal ta participa fayecimento di:

Sra. Wilhelmina Regina Henriëtte
Mac Jannet "Wil"

Un ex colega hopi stima di Wit Gele Kruis.

Nos ta extende nos mas profundo condolencia na
demas famianan y hopi forza den e momentonan
difícil aki.

Cu Wil drumi dushi den brasa di Señor.



Cu profundo tristesa Horacio Oduber Hospital
a tuma nota di fayecimento di:

Alsida Croes-Werleman

Mama di nos colega Louise Rafaël - Croes, pediatra.

HOH ta desea dokter Rafaël - Croes y demas famia
hopi forza den e momentonan difícil aki.

Cu Dios duna e defunto sosiego eterno.

Premier Mike Eman den reunion na Tweede Kamer

Jan Paternotte di D66 ta aplaudi ambicion di Aruba pa establece un EU-Preclearance

• *Tambe e centro di investigacion cu Wageningen University*



ORANJESTAD (AAN): Durante su bishita oficial na Hulanda, Minister-President di Aruba, Mike Eman, dialuna atardi a reuni cu miembro di Tweede Kamer y lider di frac-

cion D66, Jan Paternotte. E tabata un conversacion amplio tocante cooperacion den Reino Hulandes, desaroyo economico, innovacion y e seguridad regional.



Durante e encuentro, e dos lidernan a destaca e importancia di fortalece e relacion entre Aruba y Hulanda, particularmente den un tempo di cambio geopolitico y economico na mundo.

Paternotte a expresa cu semper ta un placer pa ricibi Minister-President mr. Mike Eman na Tweede Kamer y a enfatisa cu Aruba tin un balor unico den Reino Hulandes. El a bisa cu Aruba no solamente ta conoci internacionalmente como “One Happy Island”, pero cu e isla tin tambe un potencial enorme como centro di conocimiento, investigacion y innovacion.

Entre e puntonan trata tabatin e reciente cooperacion entre Aruba y Wageningen University & Research (WUR), caminda a firma un memorandum of understanding (MoU) y letter of intent (LoI) pa establece un centro di investigacion na Aruba. Segun Paternotte, e iniciativa aki por yuda desaroya un economia di conocimiento na banda di nos industria di turismo. El a destaca tambe cu particularmente e trabaonan di



Aruba riba restauracion di coral y conservacion di naturalesa, indicando cu e conocimiento cu ta desaroya na Aruba por tin impacto no solamente pa Caribe, sino tambe mundialmente.

Otro tema importante durante e reunion tabata e posibilidad di un EU preclearance na Aeropuerto Internacional Reina Beatrix. Segun Paternotte, Aruba por bira e prome lugan den mundo cu un facilidad asina pa entrada mas directo den Union Europeo. Esaki lo facilita biahe entre Aruba y Europa tanto pa turista como pa local permitiendone pasaheronan cumpli cu e controlnan europeo prome cu nan yega Aeropuerto di Schiphol na Amsterdam of hasta otro aeropuerto europeo.

Paternotte a indica cu un iniciativa asina lo fortalece posicion di Aruba den Europa y lo mustra e balor unico di Reino Hulandes como un reino cu un dimension tanto europeo como caribense.

Minister-President Mike Eman, na su turno, a expresa su gratitud p’e apoyo y compromiso cu Reino Hulandes a demonstra recientemente den un periodo di tension internacional den region, particularmente den relacion cu Venezuela y Merca.

Eman a enfatisa cu Aruba a sinti claramente e presencia y envolvimento di Reino durante e periodo aki, mencionando e contacto intensivo cu ministerionan manera Relacionnan Exterior y Defensa unda a haci tur esfuerso diplomatico pa


mantene e islanan for di conflicto regional.

“Esey ta precisamente e momentonan caminda bo mira e balor real di Reino,” segun Minister-President Eman. “Nos ta aprecia profundamente cu Reino tabata presente y cu Aruba nunca a keda so den un momento di incertidumbre internacional.”

E reunion a toca tambe riba e futuro di e ex-refineria na San Nicolas y e proceso di desmantelacion y duna un proposito nobo n’e area industrial. Minister-President Eman a splica cu Aruba ta busca experticio hulandes pa yuda cu e proyecto compleho aki, cu lo defini e futuro economico di e area despues di mas cu shen aña di actividad industrial. Segun Eman, Aruba kier tuma varios decision strategico y sostenibel tocante e terreno y su potencial economico futuro, y pa esey cooperacion tecnico y politico cu Hulanda ta di gran importancia. Paternotte a confirma cu tambe den Parlamento Hulandes tin interes y apoyo p’e proyecto aki, reconociendo e importancia strategico y economico di San Nicolas pa futuro di Aruba.

E reunion na Tweede Kamer ta forma parti di un serie di encuentro oficial durante bishita di Minister-President Mike Eman na Hulanda, enfoca riba fortalecimiento di cooperacion den Reino, innovacion economico, sostenibilidad y seguridad regional.

Caminda T-weg di Kazernestraat y Klipstraat a keda cla



ORANJESTAD (AAN): E trabao di revitalizacion di Caya Grandi a cuminsa den Kazernestraat, na e T-weg cu Klipstraat, net banda di edificio di Zara. E camin-

da tabata basta desnivela y a dicidi di kita tur klinker, y basha un capa nobo di cement riba dje.

E trahadornan sa nan trabao bon, y a logra nivela

esaki na un forma profesional y a warda tur esaki pa e cement por ‘cura’, pues pa e seca completo. Ya riba Dialuna e tabata completamente habri bek.

SUPER CARD SUPER DEALS



COMFORT
CLASS

IMAX

VIP

Monday
Thursday

Friday
Sunday

9.00 AWG

10.00 AWG

11.00 AWG

12.00 AWG

12.00 AWG

13.00 AWG

**BEST CINEMA AT
THE BEST PRICES!**

Sign up **online** or at any **The Movies**
location and **start enjoying great benefits!**

 www.themoviesaruba.com

Mieke de Droog, Universidad di Aruba:

Aruba Doet ta ofrece e studiantenan di Universidad di Aruba un ambiente unico di siñamento



ORANJESTAD (AAN) Se-
ñora Mieke de Droog, ken
ta dirigi e Facultad di Arte
y Ciencia di Universidad di
Aruba, en conexion cu e par-
ticipacion di U.A den Aruba
Doet, cual apertura a tuma
lugar Diabierna ultimo, a ex-
presa cu e meta di Universi-
dad di Aruba ta, transforma
bida y fortifica comunidad di
Aruba, y forma generacion-
nan di ciudadanonan respon-
sabel cu ta lidera, inspira y
contribui especificamente, pa
medio di nan esfuerzonan
integra den enseñanza supe-
rior, siñamento y un pacto

special.

El a señala cu e posicion
strategico di Universidad ta
di un Institucion lider, logi-
camente ancla y plenamente
comprometi y ta dedica na
avanza conocimiento y des-
blokia oportunidad.

“Colaboracionnan manera
esaki ta ofrece nos estudiante-
nan un ambiente di siñamento
unico, aki nan ta practica nan
habilidadnan di liderazgo den
situacionnan di e mundo real.
Nan ta experiencia kico ta
necesario pa ta un boluntario
pa tuma responsabilidad, pa
nan comunidad”, señora De

Droog a señala, tambe e ta
ofrece compronde nan bisi-
ñanan miho, e personanan cu
ta nan clientenan, coleganan,
etc. “Al fin y al cabo, na final
nos tur ta lucha pa nos miho”,
señora de Droog a expresa.

El a agrega cu desde ini-
cio di nan colaboracion cu
FCCA na 2018-2019, den
nan prome bishita na Madiki
y Sero Patrishi, nan a mira un
pacto di colaboracion riba



creacion di balar. Na Sero Patrishi el a cuminsa chikito, pero
e colaboracion y espacio a crece y bira algo hopi mas grandi.

